

四庫全書

經部

欽定四庫全書

經部

儀禮經傳通解卷九

詳校官尚書臣德保

給事中臣溫常綬覆勘

總校官進士臣繆琪

校對官監丞臣張魯炳

謄錄監生臣錢雋選

欽定四庫全書

儀禮經傳通解卷九

宋 朱子 撰

學禮一之上

學制

古之王者建國君民教學為先故舜命契曰百姓不親

五品不遜

契音薛 舜虞帝名契臣名五品謂父子君臣夫婦長幼朋友遜順也

汝作司

徒敬敷五教在寬

五教謂父子有親君臣有義夫婦有別長幼有序朋友有信敷此五教以

敬為主而

命夔曰命汝典樂教胄子

夔求龜反胄直又反
胃長也謂元

子以下至卿大夫子弟

長上聲

疏曰說文云胄胄也爾雅云胄繼也繼父世者謂長子也王制云樂正崇

四術立四教王大夫士之適子皆造焉

直而溫寬而栗剛而

無虐簡而無傲

栗者嚴謹之意直恐其不足於敬故教以栗皆所以溫寬恐其不足於敬故教以栗皆所以

以濟其美剛者或失之虐簡者或失之傲故教以栗皆所以過樂之為教本於中和以養人之情性故先言此以責

其詩言志歌永言聲依永律和聲

心之所謂之志永長也聲謂五聲宮商

角徵羽律謂十二律黃鐘大簇姑洗蕤賓夷則無射為六陽律大呂應鍾南呂林鍾仲呂夾鍾為六陰律言教

之詩以宣其志歌詠之以長其言以五聲依其歌之上下以六律節其聲之清濁此為樂之法也徵展里反

蕤七豆反蕤人
誰反射音亦

八音克諧無相奪倫神人以和

八音金石土草絲木

蕤竹倫理也言既以上文四句之法為樂則八音皆調不相陵奪而用之祭祀朝享神人皆和矣

小學

在公宮南之左大學在郊

學所以敷士之官尚書傳曰百里之國二十里之郊七十里之

國九里之郊五十里之國三里之郊此小學大學殷之制

王制

使公卿之大夫

大音泰

大夫元士之適子

適丁歷反

十有三年始入小學見小節焉

踐小義焉二十八大學見大節焉踐大義焉故入小學

知父子之道長幼之序入大學知君臣之義上下之位

故為君則君為臣則臣為父則父為子則子

長丁丈反尚書大傳

接小學之年諸說不同見後保傅篇注 程子曰古者八歲入小學十五入大學擇其才可教者聚之不肖者復之農畝蓋士農不易業既入學則不治農然後士農判古之士者自十五入學至四十方仕中間自有二十五年學又無利可趨則所志可知須去趨善便自此成德後之人自童稚間已有汲汲趨利之意何由得向善其古人必使四十而仕然後志定只營衣食却無害惟利祿之誘最害人 家有塾黨有庠術有序國

有學

塾音熟術讀為遂 五家為閭同共一巷

門側之堂謂之塾古者二十

老有道德者為左右師坐於兩塾民在家之時朝夕出入恒受教於塾五百家為黨萬二千五百家為遂遂在遠郊之外國謂天子所都及諸侯國中 學記 大夫七十而致仕老其鄉里

大夫為父師士為少師

所謂里庶尹也鄭曰古者仕焉而已者歸教於閭里

耨鉏已藏祈樂已入歲事已畢

耨音憂
樂當為新穀祈

餘子皆入

學年十五始入小學見小節踐小義焉年十八始入大

學見大節踐大義焉

餘子猶衆子也古者適子恒代父而仕也

距冬至四十

五日始出學傳農事

立春學止

上老平明坐於右塾庶老坐

於左塾餘子畢出然後皆歸夕亦如之

上老父師也庶老少師也餘

子皆入父之齒隨行兄之齒鴈行朋友不相踰輕任并

重任分

行如字又戶郎反并必性反

頌白者不提攜出入皆如之

尚書

大傳

天子曰辟廱諸侯曰頤宮

頤音判與璧同廱

王制也

按辟

學水旋立如壁故謂之辟廡類亦作泮諸侯之學東西南方有水形如半壁以其半於辟廡故曰泮宮詩曰錫

京辟廡記曰泮宮周學也

有虞氏養國老於上庠養庶老於下庠

夏后氏養國老於東序養庶老於西序殷人養國老於

右學養庶老於左學周人養國老於東膠養庶老於虞

庠虞庠在國之西郊

皆學名也異者四代相變耳或上西或上東或貴在國或貴在郊上

庠右學大學也在西郊下庠左學小學也在國中王宮之東東序東膠亦大學在國中王宮之東西序虞庠亦

小學也在西郊膠之言糾也庠之言養也周之小學爲有虞氏之庠制是以名庠云其立鄉學亦如之膠或作

紉

糾居黜反紉音求今按此一節詳見五學篇

王制

師氏居虎門之左司

王朝

朝直遙反外畫虎焉以明勇猛於守宜也

虎門路寢門也王日視朝於路寢門

視朝若有善道可行者則當前以詔王疏曰鄭知虎門是路寢門者其路寢庭朝及庫門外之朝非常朝之處

是常朝日所掌路門外掌國中失之事以教國子弟

中聲去

教之者使識舊事也中中禮者也失失禮者也故書凡中為得杜子春云當為得記君得失若春秋是也

國之貴遊子弟學焉

貴遊子弟王公之子弟遊無官司者

大司樂掌成

均之灋以治建國之學政而合國之子弟焉

鄭司農云均調也樂

司主調其音大司樂主受此成事已調之樂玄謂董仲舒云成均五帝之學成均之法謂其遺禮可法者國之子弟公卿大夫之子弟當學者謂之國子文王世子曰於成均以及取爵於上尊然則周人立此學之宮

曰葉王制有虞氏名學為上庠下庠至周立小學在西郊者曰虞庠五帝總名成均當代則各有別稱若三代天子學總曰辟雍當代各有異名但無文可知也 凡有道者有德者使教焉死則

以為樂祖祭於瞽宗

道多才藝者德能躬行者若舜命夔典樂教胄子是也死則以為樂

之祖神而祭之鄭司農云瞽樂人樂人所共宗也或曰祭於瞽宗祭於廟中明堂位曰瞽宗殷學也泮宮周學也以此觀之祭於學宮中疏曰案記云春誦夏弦大師詔之瞽宗以其教樂在瞽宗故祭樂祖還在瞽宗彼雖有學干戈在東序以誦弦為正記又云禮在瞽宗書在上庠學禮樂在瞽宗祭禮先師亦在瞽宗矣若書在弦在東序則祭亦在東序也 己上周禮 夏曰校

殷曰序周曰庠學則三代共之

校庠庠皆鄉學學國學也共之無異名也此孟

子說與上下數條皆不

合未詳其故
滕文公

魯之米廩有虞氏之庠也序

夏后氏之序也瞽宗殷學也類宮周學也

庠序亦學也庠之言詳也

於以考禮詳事也魯謂之米廩虞帝上孝令藏粢盛之委焉序次王事也瞽宗樂師瞽矇之所宗也古者有道德者使教焉死則以爲樂祖於此祭之類之言班也於以班政教也明堂位

右法制名號之略

古者教人其立法大意皆萬世通行不可得而變革者學者不可不

知若其名號位置節文之詳則自經言之外出於詩儒之所記者今皆無以考其實矣然不敢有所取舍姑悉存之讀者亦不必深究也

周禮大司徒令五家爲比五比爲閭四閭爲族五族爲

黨五黨為州五州為鄉以鄉三物教萬民而賓興之

此

志反賢者能者以飲酒之禮賓客之既則獻其書於王

曰六德知仁聖義忠和

知音智和謂明於事仁謂愛人以及物聖謂通而先識義謂

能斷時宜忠謂言以二曰六行孝友睦婣任恤

行下孟反

因謂親孝謂善事父母友謂善於兄弟睦謂親於九族

族者上至高祖下至玄三曰六藝禮樂射御書數

禮謂五禮

吉山軍賓嘉也樂謂六樂雲門大咸大韶大夏大濩大武

射謂五射一曰白矢謂矢貫侯過見其鏃白也二曰參連

謂前放一矢後三天連續而去也三曰剡注謂羽頭高

鏃低而去剡剡然也四曰襄尺謂臣與君射不與君並

立裏君一尺而退也五日井儀謂四矢貫侯如井之容儀也御謂五御一曰鳴和鸞謂和在式鸞在衡升車則馬動馬動則鸞鳴鸞鳴則和應也二曰逐水曲謂隨逐水勢之屈曲而不墜水也三曰過君表謂若毛詩傳云褐纒旃以為門裘纒旃也四曰舞交衢握驅而入擊則不得入君表則褐纒旃也四曰舞交衢握驅而入擊則不而車旋應於舞節五曰逐禽左謂御驅逆之車逆驅禽獸使左當人君以射之也書謂六書一曰象形謂日月之類象日月形體而為之二曰會意謂武信之類人言為信止戈為武會合人意也三曰轉注謂考老之類建類一首文意相受左右相注故名轉注四曰處事謂上下之類人在一上為上人在一下為下各有其處事得具宜故曰處事五曰假借謂令長之類一字兩用也六曰諧聲謂形聲一也如江河之類皆以水為形以工可為聲也數謂九數一曰方田以御田疇界域二曰粟布以御交質變易三曰衰分以御貴賤稟稅四曰少廣以

御積暴方圓五曰商功以御功程積實六曰均輸以御

遠近勞費七曰盈朒以御隱雜互見八曰方程以御錯

揉正圓九曰勾股以鄉八刑糾萬民糾猶割察也謂察取鄉中八種之過

而斷割一曰不孝之刑二曰不睦之刑三曰不嫺之刑

四曰不弟之刑弟音悌謂不敬師長五曰不任之刑六曰不

恤之刑七曰造言之刑訛言惑衆八曰亂民之刑亂名改作執左道以

亂政也以五禮防萬民之偽而教之中禮所以節止民之侈偽使上不逼下下不

僭上行以六樂防萬民之情而教之和樂所以道正民之情性使車戾

不作血氣和平鄉大夫正月之吉謂建子之日也受教灋于司徒

退而頒之於其鄉吏使各以教其所治以考其德行察

其道藝

其鄉吏州長以下施之為行內外兼備

疏曰在身為德即為賢者也

以歲時入

其書

入其書者言於大司徒

三年則大比考其德行道藝而興賢

者能者鄉老及鄉大夫帥其吏與其衆寡以禮禮賓之

賢者有德行者能者有道藝者興賢者謂若今舉孝廉興能者謂若今舉茂才衆寡謂鄉人之善者無問多少賓敬也賓所舉賢者能者變舉言興者謂合衆而尊寵之以鄉飲酒之禮禮而賓之厥明鄉老及

鄉大夫羣吏獻賢能之書于王王再拜受之登于天府

內史貳之

厥其也其賓之明日也獻猶進也王拜受之重得賢者王上其書於天府天府掌祖廟之

寶藏者內史副寫其書者當詔王爵祿之時藏才浪
反疏曰內史職有策命諸侯羣臣之事故使貳之

退而以鄉射之禮五物詢衆庶一曰和二曰容三曰主

皮四曰和容五曰興舞

以用也行鄉射之禮而以五物詢於衆民鄭司農云詢謀也問

於衆庶寧復有賢能者和謂閨門之內行也容謂容貌
也主皮謂善射射所以觀士也故書舞為無杜子春讀

和容為和頌謂能為樂也無讀為舞謂能為六舞玄謂
和載六德容色六行庶民無射禮因田獵分禽則有主

皮主皮者張皮射之無侯也主皮和容興舞則六藝之
射與禮樂與當射之時民必觀焉因詢之也孔子射於

矍相之圃蓋觀者如堵墻射至於司馬使子路執弓矢
出誓射者又使公罔之裘序點揚觶而語詢衆庶之儀

若是乎
物之說未詳當闕

今按五
州長正月之吉各屬其州之民而

讀灋以攷其德行道藝而勸之以糾其過惡而戒之

長丁

丈反屬音燭後並同屬猶令也聚也因聚衆而勸戒之者欲其善若以歲時祭祀州社

則屬其民而讀灋亦如之春秋以禮會民而射於州序

序州黨之學也會民而射所以正其志也疏正歲則

日言以禮者亦謂先行鄉飲酒之禮而後射也讀教灋如初謂建寅之月雖以正月讀之至正歲猶復讀之因此四時之正重申之黨

正四時之孟月吉日則屬民而讀邦灋以糾戒之

以四孟之

月朔日讀法者彌親民者於教亦彌數數音朔疏曰鄉大夫管五州去民遠不讀法州長管五黨去民漸親故正月正歲春秋兩社四讀法黨正以下去民彌親故黨正加四月七月十月為七讀法族師又加二月三

月五月六月八月九月十二月
為十四讀法鄭於此總釋之
春秋祭崇亦如之崇榮反

崇謂雩崇水旱之神蓋
亦為壇位如祭社稷云
國索鬼神而祭祀則以禮屬

民而飲酒于序以正齒位一命齒于鄉里再命齒于父

族三命而不齒

國索鬼神而祭祀謂歲十二月大蜡之時建亥之月也正齒位者鄉飲酒義所

謂六十者坐五十者立侍六十者三豆七十者四豆八十者五豆九十者六豆是也必正之者為民三時務農將闕於禮至此農隙而教之尊長養老見孝弟之道也黨正飲酒禮亡以此事屬於鄉飲酒之義微失少矣凡射飲酒比鄉民雖為卿大夫必來觀禮鄉飲酒鄉射記大夫樂作不入士既旅不入是也齒於鄉里者以年與眾賓相次也齒於父族者父族有為賓者以年與之相次異姓雖有老者居於其上不齒者席於尊東所謂遵

疏曰儀禮未亡之時篇內論正齒位之禮其義具悉
今鄉飲酒義唯有五十已上且數之言此經唯有一命
已下觀禮之事二處相兼比於儀禮篇中鄉飲酒法義
理乃未足故云微失少矣云一命齒於鄉里者謂天子
之下士公侯伯之士皆在堂下與五十已下衆賓相次若
子男之士不命則固在堂下矣云再命齒于父族者以
其賓在戶牖之間南面若賓是同姓父族則與之齒也
既言齒於父族明異姓非父族不齒可知云三命不齒
者業鄉飲酒鄉射皆酒尊在室戶東房戶西賓主夾之
鄉人之卿大夫來觀禮為鄉人所遵法謂之為遵席位
在酒尊東公三重大夫再重故注知不齒者席於尊東
也所謂尊者謂鄉射鄉飲酒之遵也鄭注鄉飲酒云此
篇無正齒位之事焉者彼是三年一貢士直行飲酒之
禮無黨正正齒位之事案彼注又云天子之國三命則
不齒諸侯之國爵為大夫則不齒者蓋得為卿大夫者其
年必高於衆賓是以無問命數皆不齒以其爵尊故也

凡其黨之祭祀喪紀昏冠飲酒教其禮事掌其戒禁

其黨

之正歲屬民讀灋而書其德行道藝

書記

以歲時涖校

比涖臨也鄭司農云校比族師職所謂以時屬民而校

其六畜車輦如令小案比疏曰如令小案比及大比

亦如之疏曰族師至三年大族師月吉則屬民而讀

邦灋書其孝弟睦姻有學者

月吉每月朔日也

春秋祭酺亦如

之酺音步酺者為人物裁害之神也故書酺或為步

知此世所云嫁螟之酺與人鬼之步與蓋亦為壇位如

雲禁云族長無飲酒之禮因祭酺而與其民以長幼相

獻酬焉

校戶教反蟪悅全反螟覓經反
酺與音餘下步與同禁禁敬反本亦作禁

閭胥凡春

秋之祭祀役政喪紀之數聚衆庶既比則讀灋書其敬

敏任恤者

祭祀謂州社黨禁族酺也役田役也政若州
射黨飲酒也喪紀大喪之事也四者及比皆

會聚衆民因以讀法以勅戒之故書
既為暨杜子春讀政為征暨為既

比長各掌其比

之治五家相受相和親有臯奇衰則相及

臯本亦作罪
衰似嗟反

衰猶
惡也

齊桓公內政之法正月之朝鄉長復事君親問

焉曰於子之鄉有居處好學慈孝於父母聰慧質仁發
聞於鄉里者有則以告有而不以告謂之蔽明其罪五

有司已於事而竣

竣音俊退伏也

公又問焉曰於子之鄉有拳

勇股肱之力秀出於衆者有則以告有而不以告謂之蔽賢其罪五有司已於事而竣公又問焉曰於子之鄉有不慈孝於父母不長弟於鄉里驕躁淫暴不用上令者有則以告有而不以告者謂之下比其罪五有司已於事而竣是故鄉長退而修德進賢公親見之遂使役官及五屬大夫復事公問之如初五屬大夫於是退而修屬屬退而修縣縣退而修鄉鄉退而修卒卒退而修邑

邑退而修家是故匹夫有善可得而舉也匹夫有不善

可得而誅也

國語
齊語

右教民之法

周禮師氏掌以媼詔王以三德教國子一曰至德以為道本二曰敏德以為行本三曰孝德以知逆惡教三行

一曰孝行以親父母二曰友行以尊賢良三曰順行以

事師長

媼音美行去聲知舊音智令讀如字德行內外之稱在心為德施之為行孝在三德之下三

行之上德有廣於孝而行莫尊焉國子公卿大夫之子弟師氏教之而世子亦齒焉學君臣父子長幼之道

疏曰鄭不言王太子及元士之適子者畧言之其實皆有也
今按至德者誠意正心端本清原之事道則天人性命之理事物當然之則修身齊家治國平天下之術也敏德者強志力行蓄德廣業之事行則理之所當為日可見之跡也孝德者尊祖愛親不忘其所由生之事知逆惡則以得於己者篤實深固有以真知彼之逆惡而自不忍為者也
保氏掌諫王惡而養國子以道乃教之六藝

一曰五禮二曰六樂三曰五射四曰五馭五曰六書六曰九數乃教之六儀一曰祭祀之容二曰賓客之容三曰朝廷之容四曰喪紀之容五曰軍旅之容六曰車馬之容

養國子以道者以師氏之德行審諭之而後教之以藝儀也祭祀之容穆穆皇皇賓客之容嚴恪

卷音權又春勉反又居遠反磬上昭反護戶故反此
周所存六代之樂黃帝曰雲門大卷黃帝能成名萬物
以明民共財言其德如雲之所出民得以有族類大咸
咸池堯樂也堯能禪均刑法以儀民言其德無所不施
大磬舜樂也言其德能大中國也大護湯樂也大夏禹樂也禹治
水傅土言其德能大中國也大護湯樂也湯以寬治民
而除其邪言其德能使天下得其功大武武王樂也
武王伐紂以除其害言其德能成武功共音恭禪時
戰反傳音孚疏曰敷土敷布也布治九州之水土也
獲者即救護也救護使天下得其所也案樂記云大章
章之也注云堯樂名也周禮闕之或作大卷又云咸池
備矣注云黃帝所作樂名也堯增脩而用之周禮曰大
咸周公作樂更作大卷更與黃帝樂立名曰雲門則禁
雲門大卷為一故下文分樂而序之更不序大卷也禁
其淫聲過聲凶聲慢聲

淫聲若鄭衛也過聲失哀樂之
節凶聲亡國之聲若桑間濮上

慢聲惰
慢不恭

大胥掌學士之版以待致諸子鄭司農云學士謂卿大夫

諸子學舞者版籍也今時鄉戶籍世謂之戶版大胥主此籍以待當召聚學舞者卿大夫之諸子則案此籍以

召之漢大樂律曰卑者之子不得舞宗廟之酎除更二千石到六百石及闕內侯到五大夫子先取適子高七

尺已上年二十到年三十顏色和順身體春入學舍采脩治者以為舞人與古用卿大夫子同義

合舞舍音釋采音菜春始以學士入學宮而學之舞等其進退使應節奏鄭司農云舍采謂舞者皆持

芬香之采或曰古者士見於君以雉為摯見於師以菜為摯采直謂疏食菜羹之菜月令仲春之月上丁命樂

正習舞釋采仲丁又命樂正入學習樂玄謂舍即釋也采讀為菜始入學必釋菜禮先師也菜蘋藻之屬疏

所居反疏曰先鄭解舍菜三家之說後鄭皆不從者案記有釋菜奠幣又云始立學釋菜不舞不授器舍即

釋也采即菜也故以為學子始入學釋
采禮先師也釋菜禮輕故不及先聖
秋頒學合聲春

之學秋頒其才藝所為合
聲亦等其曲折使應節奏
大師掌六律六同以合陰

陽之聲陽聲黃鍾太簇姑洗蕤賓夷則無射陰聲大呂

應鍾南呂函鍾小呂夾鍾皆文之以五聲宮商角徵羽

皆播之以八音金石土革絲木匏竹
函胡南反匏白交

見後篇五聲已見上金鍾罇也石磬也土塤也革
鼓鼗也絲琴瑟也木祝敔也匏笙也竹管簫也教六

詩曰風曰賦曰比曰興曰雅曰頌
風雅頌者聲樂部分之名也風則十五國

風雅則大小雅頌則三頌也賦比興則所以製作風雅
頌之體也賦者直陳其事如葛覃卷耳之類是也比者

以彼狀此如螽斯綠衣之類是也興者託物興詞如關
雉兔置之類是也蓋衆作雖多而其聲音之節製作之
體不外乎此故大師之教國子必使之以是六者三經
而三緯之則凡詩之節奏指歸皆將不待講說而直可
吟詠以六德為之本以六律為之音六德即大司樂
所教樂德六律
兼六同
而言

右教子弟之法

王制司徒修六禮以節民性

六禮冠昏喪
祭鄉相見

明七教以興

民德

七教父子兄弟夫婦
君臣長幼朋友賓客

齊

八政

以防淫

八政衣服飲食事為異別

度量數制鄭氏曰事為百工技藝也異別五方用器不
同也度丈尺也量斗斛也數百十也制布帛幅廣狹也

一道德以同俗養耆老以致孝恤孤獨以逮不足上賢

以崇德簡不肖以絀惡

絀勅律反中老賢者逮及也

耆老致仕及鄉命

鄉簡不帥教者以告

帥音率下同教狠不孝弟者

帥循也不循教謂

告者鄉屬司徒

疏曰周禮六鄉大夫皆司徒統領

耆老皆朝于庠元日習射上

功習鄉上齒大司徒帥國之俊士與執事焉

與去聲將習禮以

化之使之觀焉朝猶會也此庠謂鄉學也鄉謂飲酒也

鄉禮春秋射國蜡而飲酒養老蜡仕詐反疏曰初

時耆老聚會於庠學乃擇元日就州學習射就黨學上齒習射習鄉各在一處不得同日州長職云春秋會射

于州序然則射在州序而云鄉射禮者州屬於鄉雖在州序亦得謂之鄉鄉居此州更不立州學若州有事則

就鄉學也周之十二月國家蜡祭之時黨正飲酒而不
養老以正齒位若正月鄉學飲酒則無正齒位之事不

變命國之右鄉簡不帥教者移之左命國之左鄉簡不

帥教者移之右如初禮

中年考校而又不變使轉徙其
居覲其見新人有所化也亦復

習禮於鄉學使之觀焉

覲音冀復扶又反疏曰中
猶間也謂間一年而考校之時下云不變屏之遠方者

謂九年之時鄭注不云間年者
以九年限極不須云間年也

不變移之郊如初禮

鄉郊

界之外者也稍出遠之後中年又為之習禮於郊學
疏曰謂五年之時間四年下一年也郊謂近郊也以遠

郊之內六鄉居之若鄉民近國城及國內之人其學在
國中或在公宮之右或在公宮之左故前云右鄉左鄉

若鄉人遠國城在近郊之外者則
學在近郊其習禮亦鄉大夫臨之不變移之遂如初禮

遠郊之外曰遂遂大夫掌之又中年復移之使居遂又為習禮於遂之學疏曰謂七年之時間六年下一年

也案司馬法曰百里郊二百里野遂人云掌邦之野既二百里為野遂之所居故知遠郊之外六鄉州學主射

黨學主正齒位遂則縣與州同鄙與黨同未知縣正主射鄙師主正齒位焉否亦應與鄉不異而周禮不備耳

但縣鄙皆屬於遂雖各立學總曰遂學或遂之所居縣鄙不立縣鄙之學有事則在遂學與鄉同不變

屏之遠方終身不齒屏必郢反疏曰九州之外齒猶錄也

鎮蕃也蓋隨罪之輕重而為遠近之差若王命鄉論秀子公卿之子雖屏夷狄但居夷狄之內畔

士升之司徒曰選士選宣戀反下皆同移名於司徒也秀士鄉大夫所考有德行道藝

者疏曰案鄉大夫云三年則大比考其德行道藝而興賢者能者謂鄉人有賢有能者以鄉飲酒之禮興之

獻賢能之書於王名則升於天府身則任以官爵則下文云大樂正論造士之秀者以告於王而升諸司馬曰

進士彼據鄉人故三年一舉此據學者故中年考試殷周同也熊氏以為此中年舉者為殷禮鄉大夫三年舉

者為司徒論選士之秀者而升之學曰俊士可使習禮者學大學

以疏曰案內則云二十而冠始學禮此俊士年升於司

徒者不征於鄉升於學者不征於司徒曰造士不征不給其繇

役造成也能習禮則為成士疏曰此繇役者供學及司徒細碎之繇役也二十習禮舉其大綱若其性識聰

明則亦早樂正崇四術立四教樂正樂官之長掌國子之教虞書曰夔命汝典

樂教胄子崇高也高尚其術以作教也幼者教之於小學長者教之於大學尚書傳曰年十五始入小學十八

入大學疏曰崇謂敷暢義順先王詩書禮樂以造士

理贊明旨趣使學者知之

順此四術而教春秋教以禮樂冬夏教以詩書春夏陽

以成是士也

者聲聲亦陽也秋冬陰也書禮者事事亦陰也

互言之

者皆以其術相成疏曰鄭意以為秋教禮春教樂冬

教書夏教詩也

所以詩得為聲者詩是樂章詩之文義

以樂聲播之故為聲若以聲對舞則聲為安靜舞為鼓

動舞為陽聲為陰故大胥云春釋采合舞秋頒學合聲

是也

就舞之中奮動甚者屬陽奮動靜者屬陰故記云

春夏學干戈秋冬學羽籥是也書者言事之經禮者行

事之法事為安靜故云書禮者事事亦陰也記云秋學

禮冬讀書與此同也

若互言而但云春夏教以樂詩不教禮書秋冬

秋冬教以禮書則是春夏但教以樂詩不教禮書秋冬

但教以禮書不教以樂詩也

必互言者以此四術不可

暫時而闕故令交互言之云春教樂明兼有禮秋教禮

但教以禮書不教以樂詩也

必互言者以此四術不可

暫時而闕故令交互言之云春教樂明兼有禮秋教禮

但教以禮書不教以樂詩也

必互言者以此四術不可

暫時而闕故令交互言之云春教樂明兼有禮秋教禮

但教以禮書不教以樂詩也

必互言者以此四術不可

暫時而闕故令交互言之云春教樂明兼有禮秋教禮

暫時而闕故令交互言之云春教樂明兼有禮秋教禮

但教以禮書不教以樂詩也

必互言者以此四術不可

暫時而闕故令交互言之云春教樂明兼有禮秋教禮

但教以禮書不教以樂詩也

必互言者以此四術不可

暫時而闕故令交互言之云春教樂明兼有禮秋教禮

但教以禮書不教以樂詩也

必互言者以此四術不可

暫時而闕故令交互言之云春教樂明兼有禮秋教禮

但教以禮書不教以樂詩也

必互言者以此四術不可

暫時而闕故令交互言之云春教樂明兼有禮秋教禮

但教以禮書不教以樂詩也

必互言者以此四術不可

暫時而闕故令交互言之云春教樂明兼有禮秋教禮

但教以禮書不教以樂詩也

明兼有樂夏教詩兼有書冬教書兼有詩故王太子王云皆以其術相成但逐其陰陽以為偏主耳

子羣后之大子卿大夫元士之適子國之俊選皆造焉

造才早反徐七到反皆以四街成凡入學以齒皆以之王子王之庶子也羣后公及諸侯

受學不將出學小胥大胥小樂正簡不帥教者以告于用尊卑

大樂正大樂正以告于玉出學謂九年大成而出也此所簡者謂王太子王子羣后

之大子卿大夫元士之適子王命三公九卿大夫元士也大胥小胥皆樂官屬也

皆入學不變王親視學亦謂使習禮以化之不變王親為之臨視重弃賢者子孫此

習禮皆於大學也疏曰若殷人習禮在於大學即記云瞽宗殷學又云禮在瞽宗殷之大學也若周則大學

曰東膠故鄭注儀禮鄉射云周立四代之學於國而又以有虞氏之庠為鄉學則周之尋常習禮於殷學之中至九年為王子不變其習禮當於東膠大學然則餘子十八入大學嫡子二十八入大學者皆是殷法也若周法立當代大學在公宮左即東膠也又立小學於西郊即有虞氏之庠也其習書則於虞氏之學習禮樂則於殷之學習舞則於夏后氏之學故云春夏學干戈秋冬學羽籥皆於東序春誦夏弦大師詔之瞽宗又云禮在瞽宗書在上庠詩則無文鄭注云弦謂以絲播詩則習詩亦在瞽宗然詩與禮樂雖各在其學習之至二十八大學之時仍於大學之中兼習四術故此注云習禮皆於大學是周之大學亦習禮也禮既在瞽宗又在大學則其餘亦不變王三日不舉去食樂重弃人屏之遠方西方曰棘

東方曰寄終身不齒

棘依注音燹

棘當為燹燹之言

為其大遠楚蒲北反 疏曰案漢書云西
南有楚夷又云南北萬三千里東西九千里 大樂正論

造士之秀者以告于王而升諸司馬曰進士移名於司馬

官卿主邦政者進士可進受爵祿也 疏曰此文承王

子公卿大夫之子下似專據王子等其實鄉人入學為

造士者亦同於此其鄉人不在學者及邦國所貢司馬

之士所貢於王亦當升諸司馬以司馬掌爵祿

辨論官材辨其論官其材觀其所長論進士之賢者以告於王而定

其論各署其論定然後官之使之任官然後爵之命位

定然後祿之有發則命大司徒教士以車甲乘兵車衣甲之儀有

發謂有軍師發卒 疏曰命司徒者以 凡學世子及

其主眾又主教故使與司馬相參也

學士必時

凡學戶孝反教也下正學干師學戈學舞同四時各有宜學士謂司徒論俊選所升於

學者

春夏學干戈秋冬學羽籥皆於東序

干盾也戈句矛戟也干戈萬舞

象武也用動作之時學之籥舞象文也用安靜之時學之詩云左手執籥右手秉翟

侯反翟大厯反疏曰案考工記戈廣二寸內倍之胡三之援四之以其形句曲有刃也鄭云若今雞鳴戟

也公羊傳萬者何干舞也以其用干故知象武也羽翟羽也籥笛也公羊傳云籥者何籥舞也以其不用兵器

故象文也小樂正學干大胥贊之籥師學戈籥師承贊之人四

皆樂官之屬也通職秋冬亦學以羽籥小學正樂師也周禮樂師掌國學之政教國子小舞大胥掌學士之版

春入學舍菜合舞秋頒學合聲籥師掌教國子舞羽吹籥疏曰此經雜多有諸侯之禮故謂之大樂正小樂

正也。小舞者謂年幼小時教之舞。其舞卽帔舞羽舞皇舞旄舞干舞人舞也。周禮唯有箛師。此云箛師丞者。或諸侯之禮。或胥鼓南。南。南夷之樂也。胥掌以六樂之會。異代之法。詩云。以雅以南。以箛不僭。疏曰。胥謂大胥。東夷之樂曰昧。南夷之樂曰南。西夷之樂曰朱。離北夷之樂曰禁。南一名任。記云。春誦夏弦。大師詔之。瞽宗秋學禮。執禮任南蠻之樂也。

者詔之冬讀書典書者詔之禮在瞽宗書在上庠

誦謂歌樂

也。弦謂以絲播詩陽用事則學之以聲陰用事則學之以事。因時順氣於功易成也。周立三代之學。學書於有虞氏之學。典謨之教所興也。學舞於夏后氏之學。文。武中也。學禮樂於殷之學。功成治定與已同也。疏曰。上文。學舞之時。皆據年二十升於大學者。若其未升大學之時。則如此文也。春夏是陽陽主清輕故學聲。秋冬屬陰

陰主體質故學事云周立三代之學者謂立虞夏殷學也其虞之學制在國兼在西郊則周之小學也夏后氏之學在上庠即周之大學為夏之制也先師以為三代學皆立大學小學今案下養老於東序是周之大學夏之東序也又王制云養老於虞庠是周之小學為虞庠也凡祭與養老乞言合語之

禮皆小樂正詔之於東序

學以三者之威儀也養老乞言養老人之賢者因從乞善

言可行者也合語謂鄉射鄉飲酒大射燕射之屬也鄉射記曰古者於旅也語

疏曰合語謂合會義理而語

說非為祭與養老而言也指謂鄉射鄉飲酒及大射燕射旅酬之時皆合語爾其實祭末及養老亦皆合語也故詩楚茨論祭祀之事云笑語卒獲箋云古者於旅也語是祭有合語也養老既乞言自然合語也

大樂

正學舞干戚語說命乞言皆大樂正授數

說如字以三者之義

也威斧也語說合語之說也數篇數疏曰舞千戚即前經祭祀也語說謂合語之說即前經合語也命乞言

即前經養老也授數者謂千戚語說乞言三者皆大樂正之官授世子及學士等篇章之數為之講說使知義

理大司成論說在東序論力門反徐力頓反注同此

云樂正司業父師司成則大司成司徒之屬師氏也師氏掌以美詔王教國子以三德三行及國中失之事也

凡侍坐於大司成者遠近間三席可以問遠近間並如

反間猶容也容三席則得指畫相分別也終則負牆席之制廣三尺三寸三分則是所謂函丈也

卻就後列事未盡不問錯尊者之凡學春官釋奠于其席相避

先師秋冬亦如之官謂禮樂詩書之官周禮曰凡有道者有德者使教焉死則以為樂祖祭

於瞽宗此之謂先師之類也若漢禮有高堂生樂有制氏詩有毛公書有伏生意可以為之也不言夏夏從春可知也釋奠者設薦饌酌奠而已無迎尸以下之事疏云所教之官若春誦夏弦則大師釋奠也教干戈則小樂正樂師等釋奠也教禮者則執禮之官釋奠也皇氏云其教雖各有時其釋奠則四時各有其學備而行之四時在學釋奠猶若教書之官春時於虞庠之中釋奠於明書之師四時皆然教禮之官秋時於瞽宗之中釋奠於其先代明禮之師如此之類是也陳祥道云奠者陳而奠之也賈公彥曰奠之為言停停饌具而已凡始立學者必釋奠于先聖先師及行事必以幣謂天子命之教始立學官者也先聖周公若孔子疏云立學為重故及先聖常典為輕故唯先師陳祥道云學之釋奠有常時者有非時者春官釋奠常時之釋奠也凡始立學天子視學出征執有罪反以訊馘告必釋奠焉此

非時之凡釋奠者必有合也國無先聖先師則所釋奠者當與鄰國合也陳祥

道云釋奠之禮有牲幣有合樂有獻酬大祝造于廟宜于社過大山川則用事反則釋奠此告祭也記曰凡告

必用牲幣又曰凡釋奠者必有合也此釋奠有牲幣合樂之證也聘禮觴酒陳席于階薦脯醢三獻一人舉爵

從者行酬乃出此釋奠有獻酬之證也有國故則否今以下文考之有合當為合樂從陳說

若唐虞有夔伯夷周有周公魯有孔子則各自奠之不合也今按國故當為喪紀凶札之類凡大合

樂必遂養老大合樂謂春入學舍菜合舞秋頒學合聲於是時也天子則視學焉遂養老者謂用

其明日也鄉飲酒鄉射之禮明日乃息司正徵凡語于唯所欲以告於先生君子可也是養老之象類

郊者語謂論說於郊學疏云郊西郊也周以虞庠必為小學在西郊天子親視學而考課論說也

取賢歛才焉或以德進或以事舉或以言揚

大樂正論造士之秀

者升諸司馬曰進士謂此矣

曲藝皆誓之

曲藝為小技能也誓謹也皆使謹習其事

以待

又語

又語為後復論說也

復扶又反

三而一有

焉

三說之中有一善則取之以有曲藝不必盡善

乃進其等

進於衆學者疏曰等輩類也以

其序

又以其藝為次

謂之郊人遠之

遠于萬反侯事官之缺者以代之遠之者不曰俊

選曰郊人賤技藝之郊人以其猶在郊學也

疏云謂

於成均以及取爵於上尊

也

董仲舒曰五帝名大學曰成均則虞庠近是也天子飲酒於虞庠則郊人亦得酌于上尊以相旅

疏云

上尊堂上之酒尊卑者酌於堂下之尊郊人雖賤亦得酌於堂上尊

始立學者既興器用

幣

興當為釁字之誤也禮樂之器成則釁之又用幣告先聖先師以器成

然後釋菜

告先

師以器成有時將用也

不舞不授器

釋菜禮輕也釋奠則舞舞則授器司馬之屬司兵司戈司

盾祭祀授舞者兵也

乃退儻于東序一獻無介語可也

儻必必反本又作擯

言乃退者謂得立三代之學者釋菜于虞庠則擯賓于東序魯之學有米廩東序瞽宗也

疏云東序與虞

庠相對東序在東虞庠在西既退儻于東序明釋菜在

於虞庠文王世子

今按語即前經合語之等言可

也明釋菜時未可語禮尚嚴也

右教學之通法

學禮一之下

學義

皋陶曰天叙有典勅我五典五惇哉

天次叙人之常性各有分義當勅正

我五常之教使合于五厚厚天下

天秩有禮自我五禮有庸哉

庸常自用也天

次秩有禮當用我吉凶軍賓嘉五者之禮以行之使有常

同寅協恭和衷哉

寅敬協合衷中

也言厚典庸禮皆天之所有常為君臣代天行事當同敬合恭而和順於中道也

天命有德五服

五章哉

五服天子諸侯卿大夫士之服也尊卑采章各異所以命有德令按五服恐是袞鷩毳希玄

冕服天討有罪五刑五用哉

五刑謂墨劓剕宮大辟

政事懋哉懋

哉

言命德討罪無非天意故代天行事者制此五服五刑以為政事不可以不自勉尚書

孟子

曰人之有道也飽食煖衣逸居而無教則近於禽獸聖
人有憂之使契為司徒教以人倫父子有親君臣有義
夫婦有別長幼有序朋友有信人之有道言其皆有秉
彝之性也然無教則亦
放逸怠惰而失之故聖人設官而教以人倫亦因其固
有者而道之耳書曰天叙有典敕我五典五惇哉此之
謂也又曰庠者養也校者教也序者射也夏曰校殷曰

序周曰庠學則三代共之皆所以明人倫也

庠以養老
為義校以

教民為義序以習射為義皆鄉學也學國學也共之無
異名也倫序也父子有親君臣有義夫婦有別長幼有
序朋友有信此人之大倫也晏子曰君令臣共父慈

庠序學校皆以明此而已

子孝兄愛弟敬夫和妻柔姑慈婦聽禮也

共音恭

君令而

不違臣共而不貳父慈而教子孝而歲兄愛而友弟敬

而順夫和而義妻柔而正姑慈而從婦聽而婉禮之善

物也

歲之林反婉於阮反也從不自專婉順也

歲諫左傳

藥共子曰民生於

三事之如一父生之師教之君食之非父不生非食不

長非教不知生之族也故一事之

食音嗣長丁丈反

唯其所在

則致死焉

在君父為君父在師為師

報生以死報賜以力人之道也

國語

白虎通曰三綱者何謂也謂君臣父子夫婦也君

為臣綱父為子綱夫為妻綱大者為綱小者為紀所以
張理上下整齊人道也人皆懷五常之性有親愛之心
是以綱紀為化若羅網之有紀綱而百目張也所以謂三綱者
何一陰一陽之謂道陽得陰而成陰得陽而序剛柔相
配故人為三綱法天地人君臣法天取象日月屈伸歸
功也父子法地取象五行轉相生也夫婦法人取象人
合陰陽有施也君羣也羣下之所歸也臣牽也事君也
象屈服之形也父者矩也以度教子也子者孳也孳孳

無已也夫者扶也以道扶接也婦者服也以禮屈服也
五性者何謂仁義禮智信也仁者不忍好生愛人義者
宜也斷決得中禮者履也履道成文智者知也見微知
著信者誠也專一不移故人生而應八卦之體得五氣
以為常仁義禮智信是也

右明人倫之義

天高地下萬物散殊而禮制行矣

禮為異也

流而不息合同

而化而樂興焉

樂為同也

春作夏長仁也秋斂冬藏義也仁

近於樂義近於禮

長丁丈反近附近之近樂法陽而生禮法陰而成

言樂者敦

和率神而從天禮者別宜居鬼而從地

敦音純別彼列反下以別之別

同敦和樂貴同也率循也從順也別宜禮尚異也

今按神陽也鬼陰也

故聖人作樂以

應天制禮以配地禮樂明備天地官矣

官猶事也各得其事

人

生而靜天之性也感於物而動性之欲也

言性不見物則無欲物

至知知然後好惡形焉

好呼報反惡烏路反下並同至來也知知每物來則又有知

也言見物多則欲益衆形猶見也

好惡無節於內知誘於外不能反躬

天理滅矣

誘音酉猶道也引也躬猶己也

節法度也知猶欲也誘夫物之感

理猶性也

人無窮而人之好惡無節則是物至而人化物也人化

物也者滅天理而窮人欲者也

窮人欲言無所不為

於是有悖逆

詐偽之心有淫佚作亂之事是故強者脅弱衆者暴寡

知者詐愚勇者苦怯疾病不養老幼孤獨不得其所此

大亂之道也

知知義反

是故先王之制禮樂人為之節

言為作法

度以遏其欲

疏曰人為猶為人也今按人為之節言人人皆為之節也

哀麻哭泣所以

節喪紀也鐘鼓干戚所以和安樂也昏姻冠笄所以別

男女也射鄉食饗所以正交接也

哀七雷反樂音洛下則樂樂則不樂之樂

同冠古亂反筭音難食音嗣 男二十而冠 禮節民心
女許嫁而笄成人之禮射鄉大射鄉飲酒也

樂和民聲政以行之刑以防之禮樂刑政四達而不悖

則王道備矣 君子曰禮樂不可斯須去身致樂以治

心則易直子諒之心油然而生矣易直子諒之心生則樂

樂則安安則久久則天天則神天則不言而信神則不

怒而威致樂以治心者也

易以鼓反下易慢之易同致猶深審也子讀如不予之

子油然而生好貌也善心生則寡於利欲寡於利欲則

樂矣樂由中出故治心 今按韓詩外傳子諒作慈良

近是天謂體性自然神謂神妙不測

致禮以治躬則莊敬莊敬則嚴威 躬

也禮自外作故治身心中斯須不和不樂而鄙詐之心入之矣詐鄙

入之謂利欲生外貌斯須不莊不敬而易慢之心入之矣易輕也

故樂也者動於內者也禮也者動於外者也樂極和禮

極順內和而外順則民瞻其顏色而弗與爭也望其容

貌而民不生易慢焉故德輝動於內而民莫不承聽理

發諸外而民莫不承順德輝顏色潤澤也故曰致禮樂

之道舉而錯之天下無難矣以上樂記

右明禮樂之義

孔子曰弟子入則孝出則弟謹而信汎愛衆而親仁行

有餘力則以學文

則弟之弟大計反謹者行之有常也信者言之有實也汎廣也衆謂衆

人親近也仁謂仁者餘力猶言暇日以用也文謂詩書六藝之文程子曰為弟子之職力有餘則學文不修

其職而先文非為己之學也尹氏曰德行本也文藝末也窮其本末知所先後可以入德矣洪氏曰未有餘力

而學文則文滅其質有餘力而不學文則質勝而野之愚謂力行而不學文則無以考聖賢之成法識事理之

當然而所行或出於私意非但失之於野而已

孔子曰興於詩興起也

情有邪有正其為言既易知而吟詠之間抑揚反復其感人又易入故學者之初所以興起其好善惡惡之心

而不能自己者立於禮禮以恭敬辭遜為本而有節文必於是而得之

筋骸之束故學者之中所以能卓然自立成於樂樂有五聲而不為事物之所搖奪者必於此而得之

十二律更唱迭和以為歌舞八音之節可以養人之情性而蕩滌其邪穢消融其查滓故學者之終所以至於義精仁熟而自和順於道德者必於此而得之是學之成也泰伯按內則十歲學幼儀十三學樂誦詩二十而後學禮則此三者非小學傳授之次乃大學終身所得之難易先後淺深也程子曰天下之英才不為少矣持以道學不明故不得有所成就夫古人之詩如今之歌曲雖閭里童稚皆習聞之而知其說故能興起今雖老師宿儒尚不能曉其義況學者乎是不得興於詩也古人自洒埽應對以至冠昏喪祭莫不有禮令皆廢壞是以人倫不明治家無法是不得立於禮也古人之樂聲音所以養其耳采色所以養其目歌詠所以養其性情舞蹈所以養其血脈令皆無之是不得成於樂也是以古之成材也易令之成材也難

子思

曰夫子之教必始於詩書而終於禮樂雜說不與焉

君子曰甘受和白受采忠信之人可以學禮苟無忠信

之人則禮不虛道

和去聲
禮器

右明教學之序

儀禮經傳通解卷九

欽定四庫全書

儀禮經傳通解卷十

宋 朱子 撰

學禮二

弟子職

先生施教弟子是則溫恭自虛所受是極

必虛其心然後能有所容

極謂盡其本原也

見善從之聞義則服溫柔孝弟毋驕恃力

服

蒲北反

驕而恃力則羝羊觸藩

志毋虛邪行必正直游居有常必就

有德

行下孟反
虛謂虛僞

顏色整齊中心必式夙興夜寐衣帶

必飭

式法也

朝益暮習小心翼翼一此不懈是謂學則

右學則

少者之事夜寐蚤作既拚盥漱執事有恪

拚弗運反盥音管漱素茂

反盥潔

埽席前曰拚
手漱滌口

攝衣共盥先生乃作沃盥徹盥汎拚

正席

共音恭席叶祥倫反
徹盥謂既盥而徹盥器也汎拚謂廣拚內外不止

席前也

先生乃坐出入恭敬如見賓客危坐鄉師顏色毋

忤

客

叶音恪鄉音向
忤謂變其容貌

右蚤作

受業之紀必由長始一周則然其餘則否

長丁丈反否叶音鄙謂

先從長者教之一始誦必作其次則已

始誦而作以敬事端也至於次

誦則不必然

凡言與行思中以為紀古之將興者必由此始

行下孟反

中者無過不及

後至就席狹坐則起

狹坐

之人見後至者則當起

若有賓客弟子駿作對客無讓應且遂行

趨進受命所求雖不在必以反命

客見上讓叶平聲行叶音杭駿作迅起

也對客無讓者供給使令不敢亢禮也

反坐復業若有

所疑捧手問之師出皆起至於食時

右受業對客

先生將食弟子饌饋攝衽盥漱跪坐而饋置醬錯食陳

膳毋悖

錯七故反悖布內反饋謂選具其食

凡置彼食鳥獸魚鱉必先

菜羹

羹叶音郎後肉食之次也

先菜

羹哉中別哉在醬前其設要方

載側更反別彼列反要一遙反載謂肉而細者遠載近醬食之便也其陳設食器要令成方也飯是

為卒

既飯而食則卒也

左酒右醬

醬當作漿乃食哉而辨殽皆畢又用

酒以醕用漿以漱故言飯哉而食終乃言酒漿明在哉外也鄭注二禮兩引上文皆作漿字又此上文已云載

在醬前則此醬不應復在哉外矣今本誤也

告具而退捧手而立

二句用韻不叶未詳

三飯二斗左執虛豆右執挾七周還而貳唯嘽之視

同嘽以齒周則有始柄尺不跪是謂貳紀

挾古協反還音旋嘽苦輦

反三飯食必二毀斗也挾猶箸也七所以載鼎實者貳謂再益也食盡曰嘽視有盡者則益之齒次序也如

菜肉同盡則先益菜後益肉也豆有柄長尺則立而進之此是再益之綱紀也

先生已食弟

子乃徹趨走進漱拚前飲祭

漱祭未詳席前并搜飲

既食畢埽所祭也

右饌饋

先生有命弟子乃食以齒相要坐必盡席

要平聲謂食坐盡前

席恐汚飯必捧擘羹不以手亦有據膝無有隱肘既食乃

飽循呬覆手

擘音覽隱於靳反飽叶補苟反呬音二不以手當以挾也隱肘則太伏也呬口也

覆手而循之所以拭其不潔也振衽掃席已食者作摠衣而降旋而鄉

席各徹其餽如於賓客既徹并器乃還而立

摠苦侯反鄉音向席

客還並見上立未詳振衽掃席謂振其底衽以拂席之汚賓客食畢亦自徹其餽并謂藏去也

右乃食

凡拚之道實水于盤攘臂袂及肘堂上則播灑室中握

手執箕膺揲厥中有帚

揲記注作搗又作葉並以涉反攘袂者恐濕其袂且不便于

事也堂上寬故播而灑室中隘故握手為掬以灑撲舌也既灑水將拚之故執箕以舌自當而置帚於箕中也

入戶而立其儀不貸執帚下箕倚于戶側

貸它得反謂倚箕於戶

側凡拚之紀必由奧始

西南隅也

俯仰磬折拚毋有徹

折之反

觸微動也不得他物也

拚前而退聚於戶內

從前埽而却退聚其所埽穢壞于戶

內坐板排之以葉適己實帚於箕

板穢時以手排之適己向己也

先生

若作乃興而辭

以拚未畢故辭之令止也

坐執而立遂出弃之既拚

反立是協是瞽

協合也瞽考也謂合考書義也

右灑埽

暮食復禮

謂復朝食之禮

昏將舉火執燭隅坐錯總之法橫于

坐所櫛之遠近乃承厥火

坐上聲錯見上所叶疏果反櫛莊乙反

薪蒸以為燭故謂之總其未燃者則橫于坐之所也櫛謂燭盡察其將盡之遠近乃更以燭承取火也居

句如矩蒸間容蒸然者處下捧椀以為緒

句古侯反下叶音戶

曲也舊燭既盡則更使人以新燭繼之一橫一直其兩端相接之處勢曲如矩則方正不邪也蒸細薪也言稍

寬其束使其蒸間可以各容一蒸以通火氣又使已然者居下未然者居上則大易然也緒燭燼也椀所以貯

也右手執燭左手正櫛有墮代燭交坐無倍尊者乃取

厥櫛遂出是去

者叶音渚去上聲先執燭者既捧椀以貯櫛之餘緒遂以左手正櫛而投其

緒於腕中至其擲漸短有墮而不可執者則後執燭者代之而坐於其處前執燭者乃取擲而出棄之也

右執燭

先生將息弟子皆起敬奉枕席問所何趾俶衽則請有

常則否

奉芳勇反俶昌六反否見上俶始也變其社席則當問其所趾若有常處則不請也

右請衽

先生既息各就其友相切相磋各長其儀周則復始是

謂弟子之紀

友叶音以叶上章長丁丈反儀叶五何反

右退習

學禮三

少儀

人生十歲曰幼學

名曰幼時始可學也冠禮云棄爾幼志是未冠前為幼內則曰十年出就

外傳居宿於外學書計而教之大學之法以豫為先

程子曰古人生子能食能言而教之大學之法以豫為先人之幼也知思未有所主

便當以格言至論日陳於前雖未曉知且當薰貼盈耳充腹久自安習若固有之雖以他言惑之不能入也若

為之不豫及乎稍長私意偏好生於內二十曰弱冠

冠古

亂反故曰弱時可加冠於首也

三十曰壯有室

其時年壯故曰弱時可加冠於首也

室謂妻也

四十曰強而仕

智慮氣力強可仕也

五十曰艾服官政

艾老也

十始衰髮之蒼白者如六十曰耆指使耆者至也一云

使人也六十不與服戎不親學七十曰老而傳傳家事任子孫是謂宗

老亦得傳付子孫而鄭唯曰謂宗子之父者因此以證

喪服宗子有不孤者為父有廢疾若七十而老子代主

宗事者耳非謂宗子乃八十九十曰耄耄悛忘也春秋

傳家事而餘人不得也及之七年曰悼悼憐愛也悼與耄雖有罪不加刑焉愛幼而

百年曰期頤期猶要也頤養也不知衣服食味孝子要

期可已矣與脊字同周匝之義也期謂百年已周頤謂

當養而已期如上句幼弱耄悼等字頤如上句學冠不

刑等字曲禮幼名冠字五十以伯仲死諡周道也諡音示

生若無名不可分別故生三月而加名故云幼名也人年二十有為人父之道朋友等類不可復呼其名故冠而加字曰伯仲叔某甫年至五十耆艾轉尊又捨其某甫之字而直以伯仲叔季別之至死而加諡凡此之事皆周道也然則自殷以前為字不在冠時伯仲不當五十以殷尚質不諱名故也檀弓年長

以倍則父事之

倍薄亥反謂年二十於四十者人年二十弱冠成人有為人父之端今四十

於二十者有子道內則曰年二十悖行孝悌

十年以長則兄事之五年以長

則肩隨之

肩隨者與之並行差退

羣居五人則長者必異席

席以四人

為節因宜有所尊曲禮

右差等

幼子常視毋誑

說見內則

童子不衣裘裳

衣去聲裘羔狐等皮為之太溫消

陰氣使不堪苦不衣裳便易

疏曰衣猶著也童子體熱不宜著裘太溫傷陰氣也又應給役若著裳則不便

故並不著也故童子並緇布襦袴也又

立必正方不傾

聽

習其端正一方不得傾

頭屬聽

疏曰立宜正鄉

長者與之提攜則兩

手奉長者之手

奉芳勇反

疏曰為兒長

習其扶持尊者提攜謂牽

者故先使學之今習便也

負劒辟咤詔之則掩口而對

辟匹亦反耳如志反口耳

之間曰咤謂傾頭與語

負謂置之於背劒謂挾之於旁辟咤詔之謂旁曰咤使之掩口而對習其鄉尊者屏

氣也

傾頭與語

疏曰劒謂挾於脇下如帶劒也長者負兒之時

傾頭與語必教之使掩口而對恐氣觸人也

張子曰

張子曰

欽定四庫全書

卷十

古之小兒便能敬事長者與之提携則兩手奉長者之手問之掩口而對蓋稍不敬事便不忠信故教小兒且先安詳恭

敬曲禮

童子不裘不帛不屨約無總服聽事不麻

無事則立主人之北南面見先生從人而入

約其俱反見賢遍反

雖不裘帛溫傷壯氣也絢屨頭飾也皆為幼少不備禮也

雖不服總猶免深衣無麻往給事也

少詩照反免音

問疏曰童子唯當室與族人為禮有恩相接之義故遂服本服之總耳若不當室則情不能至總故不服也

雖不總然猶著免深衣無絰以往給總喪使役也案問

喪以童子不當室則無免而此云猶免者崔氏熊氏並

云不當室而免者謂未成服而來也問喪云不當室不免者謂據成服之後也

玉藻云小子走

而不趨舉爵則坐祭立飲

小子弟子也俱備禮容也

卑不得與賓介疏曰趨徐趨

也弟子不得與賓主參預禮但給
尊長於己踰等不
役使故宜驅走不得趨翔為容也

敢問其年

踰等父兄黨也問年則已恭敬之心不全燕見不將命見賢遍反私燕而

見不使擯者將傳其命不敢遇於道見則面尊者若見

用賓主之禮來則若子弟然遇於道見則面己已則面

隱見若尊者不見己已則不請所之不問所喪俟事不擯

弔植音持亦不敢故侍坐弗使不執琴瑟不畫地手

無容不翬也畫胡麥反翬本又作萋所角反尊長或

也翬扇也雖熱亦不敢搖寢則坐而將命坐跪也命有

者臥而侍者傳辭當跪侍射則約矢天天箭也凡射必計

上耦前取一矢下耦又進取一如是更進各得四箭而升堂挿三於要而手執一若卑者侍射則不敢更拾進取但一時并取侍投則擁矢投壺也擁抱也矢投壺四矢故云約矢侍投則擁矢箭也尊者委四矢於地一敵一取以投卑者之勝則洗而以請射敵射及投壺竟司酌酒不勝者飲之若卑者得勝則不敢客亦如之客射直酌但當洗爵而請問何所行觴也客亦如之客射壺不勝主人亦洗而請之如卑侍之法所以優賓也今按此二句皆是卑者與尊者為耦而射及投壺若己勝而司射命酌則不敢使它弟子酌酒以罰尊者必自洗爵而請行觴若耦勝則亦不敢煩它弟子酌而飲已必自洗爵而請自飲不角角謂觥罰爵也於尊長與客也注疏說恐非是飲如獻酬之爵不敢用角也橫觥苦不擢馬擢直角反擢去也謂徹也己徹馬嫌反勝故專之疏曰凡投壺每一勝輒立

一馬至三馬而成勝但類勝三馬難得若一朋得一馬於是二馬之朋徹取一馬者足以為三馬以成定勝也今若卑者朋雖得二馬亦不敢徹尊長馬足成己勝也並少儀

右品節

汜埽曰埽埽席前曰拊拊席不以鬣執箕膺搗

汜芳劬反埽悉

報反拊弗運反鬣力輒反搗見前篇鬣謂帚也帚恒埽地不潔清也膺親也搗舌也持箕將去糞者以舌自鄉疏曰汜廣也廣埽內外俱埽拊則止埽席前也少儀凡為長者糞之禮必

加帚於箕上

為去聲糞音奮又作攢帚之手反埽席前曰箕如是得兩手奉箕恭也謂初執而

往時也弟子職曰執箕膺搗厥中有帚搗又作以袂揲又作葉並以涉反疏曰膺冑前也搗箕舌也

拘而退其塵不及長者

袂武世反衣袖末拘古侯反謂埽時也以袂擁帚之前埽而

卻行之疏曰拘障也當埽時卻退以一手捉帚又以舉一手衣袂以拘障于帚前且埽且退故曰拘而退以

箕自鄉而扱之

鄉與嚮同扱音初合反呂讀如昏禮始扱一祭之扱音初合反扱讀為吸謂收糞

時也箕去棄物以鄉尊者則不恭

奉席如橋衡

奉芳勇反橋居廟反橫奉之令左昂右

低如有首尾然橋井上桴桴衡上低昂桴又作桔音結桴古毫反疏曰衡橫也如橋之橫也席舒則有首

尾故公食禮云卷自末末即尾也已卷則請席何鄉請無首尾此奉之左昂右低故知有首尾也

衽何趾

衽而審反趾音止順尊者所安也衽臥席也坐問鄉臥問趾因於陰陽疏曰坐是陽鄉亦

陽臥是陰也席南鄉北鄉以西方為上東鄉西鄉以南方

趾亦陰也

為上

布席無常此其順之也上謂席端也坐在陽則上左坐在陰則上右

疏曰

東西設席南鄉北鄉則

以西方為上頭也南北設席東鄉西鄉則以南方為上頭也蓋坐在陽則貴左坐在陰則貴右南坐是陽其左

在西北坐是陰其右亦在西東坐是陽其左在南西坐是陰其右亦在南也然此乃据平常布席如此若禮席

則或不然也曲禮

見父之執不謂之進不敢進不謂之退不

敢退不問不敢對

敬父同志如事父

此孝子之行也

行胡孟反曲禮

謀於長者必操几杖以從之

從猶就也俱是養尊之物故於謀

議之時將就也

長者問不辭讓而對非禮也

當謝不敏若曾子之為曲禮

從於先生不越路而與人言

從才用反下同尊不遭二也先生老人教學者遭

先生於道趨而進正立拱手

為有教使師而起敬故疏曰拱手見

之也又不敢斥問先生所為故正立拱手而聽先生之教先生與之言則對不與之

言則趨而退

為其不欲與己並行從長者而上丘陵則必鄉長者

所視

上時掌反有所問為遜視曲禮

將即席容毋作

作才洛反作謂顏

色變也

疏曰此謂弟兩手樞衣去齊尺

謂齊音咨齊謂裳下緝也

謂就席之時以兩手提裳令下緝去衣毋撥
地一尺許恐轉足踐之緝七立反衣毋撥
撥半末反撥發揚

貌

足毋蹶

蹶本又作慶求月反又居衛反

先生書策琴瑟在前

坐而遷之戒勿越

廣敬也在前謂當行之前坐亦跪也遷移也越踰也
疏曰坐通名跪跪

名不通

虛坐盡後

盡津忍反下同

謙也

疏曰虛空

坐也

盡席尺

為汙席 汙音烏又一故反

疏曰

是也

食坐盡前

古者地鋪席而俎豆皆陳於席前之

地若坐近後則濺汙席故盡前也

玉

坐必安執爾顏

安謂

藻云讀書食則齊且去席尺是也

謂

不動執猶守

長者不及毋僂言

僂仕鑒反 疏曰長者正

也久坐好異

論甲事未及乙事少者不得執以乙事暫然雜之

正

今按說文云僂亘不齊也僂言僂長者之先而言也

爾容聽必恭

正謂矜莊也聽先生之言 毋勦說 勦初交

猶擘也謂取人之說以

毋雷同

雷之發聲物無不同時 應者人之言當各由己

為已說 擘力敢反

不當然也孟子曰人

必則古昔稱先王

雖不雷同又

無是非之心非人也

依據

毋踐履毋踏席樞衣趨隅必慎唯諾

踏在昔反樞若侯反唯于

癸反

應疏曰趨隅升席必由下也慎唯諾者不先舉見問乃

也將就坐當從下而升當已位上不發初後上也樞提

也衣裳也趨猶向也隅猶角也既不踏席當兩手提裳

之前向席之下角從下而升就已位也王藻云升席不

由前為躡席自是不由席前升與此別鄉飲酒云賓升

席自西方注云升由下也升必中席彼謂近主人為上

故以西為下與此同也今按此是衆人共坐一席既

云當已位上即須立於席後乃得當已位上蓋以前為

上後為下也正與王藻義同鄉飲乃是特設賓席一人

之坐故以西為下而自席下侍坐於先生先生問焉終

之中升而即席與此異也

則對尊不敢錯亂言請業則起請益則起

尊師重道也起若令樞衣前請也業

謂篇卷也益謂受說不解了欲師更明說父召無諾

先生召無諾唯而起

唯子癸反應辭唯恭於諾

侍

坐於所尊敬毋餘席

言先生坐一席已坐一席必盡其所近尊者之席端無使有餘蓋欲

得親近若扶持備顧問且擬

見同等不起

不為私敬疏曰同等後

來者任其

燭至起

異晝

食至起

變為饌

上客起

敬尊者疏曰尊者

見之起故侍者宜從之而起然食與

燭不見跋

見賢遍反跋半末反

跋本也燭盡則去之嫌若燭多有厭倦意

尊客之前

不叱狗

叱赤質反狗古口反

主人

於尊客之前不敢

尊為讓食不唾

嫌有穢惡以上曲禮

洗盥執食飲者勿氣有

問焉則辟呬而對

辟呬音義見上示不敢飲臭也疏曰洗謂與尊者洗足盥謂與尊者

洗手歆謂不以鼻嗅飲食氣也辟呬不敢以口氣及尊者少儀

侍坐於君子君子

問更端則起而對

更平聲離席對敬異事也君子必令復坐疏曰更端謂嚮

語已畢更問他事

侍於君子不顧望而對非禮也

禮尚謙也不顧望若

子路率爾而對問衆人則當顧望

疏曰若指問一人則一人直對若普生中恐有勝己者不得率爾先對也

長者賜少者賤者不敢辭

不敢亢禮也賤者僮僕之稱

侍坐於

君子若有告者曰少間願有復也則左右屏而待

間音闕注

同 告曰指或告君子也復白也言欲須少空間有所
白也屏猶退也隱也 空去聲 疏曰卑者正侍君子

而有人來告云欲待君子少間無事時
有所白則侍者當自退避之不得遠也 毋側聽毋噉應

毋淫視毋怠荒遊毋倨立毋跛坐毋箕寢毋伏斂髮毋

鬣冠毋免勞毋袒暑毋褰裳 噉古弔反倨音據跛彼義反
鬣徒細反免如字袒徒旱反

褻起連反 毋側聽嫌探人之私也側聽耳屬於垣毋
噉應以下皆為其不敬噉號呼之聲也淫視流動邪睇

也怠荒身體放縱不自拘斂一足一足遊行倨慢也跛偏任也
立當雙足並立不得挈舉一足一足踣地也箕謂舒展

兩足狀如箕舌也伏覆也鬣髮也毋垂餘如髮也免去
褻祛也鬣或為肆 為于偽反號戶高反眈莫遍反覆

芳伏反髮皮義反祛丘魚
反肆以二反 以上曲禮 侍坐於君子請見不請退

君子欠伸運笏澤劒首還屨問日之蚤莫雖請退可也

欠丘劒反伸音身還音旋蚤音早莫音暮不請退者去止不敢自由欠伸以下皆解倦之狀伸頻伸也運澤

謂玩弄也金器弄之易以汙澤疏曰運動也澤光澤也玩弄劒首則生光澤旋轉也尊者脫屨於戶內屨常

在側然皆未通按此章重出者欠伸下但云撰杖屨視日蚤莫侍坐者請出矣注云撰猶持也撰仕轉

反儀侍坐於長者屨不上於堂
屨賤空則不陳於尊者之側疏曰長者

在堂則侍坐者脫屨於階下不得上堂若長者在室則侍坐者得著屨上堂而不得入室解屨不敢

當階
鄭為妨後升者疏曰內則云屨著綦鄭云綦屨繫也將升堂則解之也
就屨跪而舉

之屏於側
謂獨退也就猶著也屏亦不
當階著丁略反屏必違反鄉長者而屨跪

而遷屨俯而納屨

謂長者送之也不得屏遷就疏而已

跪者若跪則足嚮後不便故俯也雖不並跪亦坐左納右坐右納左

階出戶猶鄉長者曲禮排闥說屨於戶內者一人而已矣

闥音合說吐活反雖衆敵猶有所尊也

有尊長在則否

在在內也後來之衆皆說屨於戶外

儀少

右洒埽應對進退

燕侍食於君子則先飯而後已

飯煩晚反疏曰先飯所

嘗食然後已母放飯母流歡小飯而亟之

歡昌悅反亟紀力反注同

也

亟疾也備噦噎若見問噦於月反壹伊結反數噍母為口容在笑反又作噍

噍數噍謂數數噍之口容弄口客自徹辭焉則止主人辭其徹俎主人

辭則客止少儀侍食於先生異爵者後祭先飯玉藻

侍食於長者主人親饋則拜而食饋其類反下同勸

執食興辭拜而已示敬也主人不親饋則不拜而食以其禮於已

凡食果實者後君子陰陽所成火食者先君子備火齊

先嘗之也玉藻食棗桃李弗致於核核行隔反恭也弗

瓜祭上環食中棄所操操七刀反上環頭付也付亦作剗寸本反又取本反切也

疏曰食瓜亦祭先圃也環者橫斷形如環也上環是

甕間下環是脫革處也

今按頭付謂甕頭所切一環

也以其所生之本味最甘美又先斷而不污故以為祭

中者中環也亦甘且潔故以奉尊者所操下環為手所

持處以其味薄而不潔故棄之而不食也玉藻

侍飲於長者酒進則起拜

受於尊所

之降席拜受敬也燕飲之禮鄉尊疏曰陳尊

卿大夫燕各見本篇今燕禮鄉飲酒皆無拜受於尊所

之文正是文不具耳近尊嚮長者故往於尊所嚮長者

而拜也長者辭少者反席而飲長者舉未釂少者不敢飲

少式召反釂子妙反

不敢先尊者盡爵曰釂燕禮曰

公卒爵而後飲也

疏曰飲酒尊卑異爵故燕禮公執

膳爵受賜爵者執散爵又曰受賜爵者以爵就席坐公

卒爵然後飲與此禮合而士相見禮云若君賜之爵則

下席再拜誓首受爵升席祭卒爵而俟君卒爵然後授
虛爵玉藻云君若賜之爵則越席再拜誓首受登席祭
之飲卒爵而俟君卒爵然後授虛爵皆先君卒爵者此
據燕飲正禮玉藻及士相見禮謂私燕之禮故不同也

御同於長者雖貳不辭

謂侍食於長者饌具與之同也貳謂重穀膳也本為長者

數辭之為

偶坐不辭

偶嬖也或彼為客設饌而召已往嬖共食以上曲禮

右侍食

儀禮經傳通解卷十

欽定四庫全書

經部

儀禮經傳通解卷十一

詳校官尚書臣德保

給事中臣溫常綬覆勘

總校官進士臣繆琪

校對官監丞臣張魯炳

謄錄監生臣錢雋選

欽定四庫全書

儀禮經傳通解卷十一

宋 朱子 撰

學禮四

曲禮

曲禮曰

經引正

毋不敬

毋音無

後以意推

儼若思

儼莊貌

人之坐思貌必儼然

慮也人心有所計慮則其形狀必端慤也

安定辭

審言

語也

安民哉

言人能如此上二句者則可以安民哉

敬程子曰主一之謂敬問一曰無適之謂一又

或問

又

又

又

曰但整齊嚴肅則心自一一則自無非辟之干矣呂
大臨曰毋不敬者正其心也儼若思者正其貌也安定
辭者正其言也三者正矣則無所往而非正所謂大人
正已而物正者也以我對彼我安則彼安此修已以安
人也推我之所安而天下平此修已以安百姓也天下
至大取諸修身而無不足故曰安民哉此禮之本故於
曲禮首 教不可長欲不可從志不可滿樂不可極 五教

報反長丁丈反從足用反樂音洛 賢者狎而敬之畏
四者慢遊之道桀紂所以自禍

而愛之

狎户甲反 人之常情與人親狎則敬弛有所
畏敬則愛哀唯賢者乃能狎而敬之是以雖安

而不慢畏而愛之是 愛而知其惡憎而知其善 已之愛
以貌恭而情親也

私心而人之善惡自有公論唯賢者 積而能散 謂已有
存心中正乃能不以此而廢彼也

貧窮者則當能散以調救之若宋樂氏安安而能遷謂已

令安此之安圖後有害則當能遷晉舅犯與姜氏醉重

耳而行近之疏曰舅犯事見春秋僖二十三年傳

按此上六句文意大同皆蒙賢者二字為文言皆

衆人所不能唯賢者乃能之耳舊注非是今不取臨

財母苟得為傷廉也為于偽反疏曰臨難母苟免

難乃旦反為傷義也狠母求勝分母求多狠胡懇反勝舒證反

也狠闕也謂爭訟也詩云脩身踐言謂之善行行反

兄弟闕于墻闕呼歷反

下同踐履也行脩言道禮之質也言道言合於道質猶本也禮為之文

言履而行之

飾禮不妄說人說音悅禮有常度不可不辭費辭達

耳

則止不禮不踰節不侵侮不好狎敬好去聲為傷禮聞

取於人不聞取人謂趣就師求道也禮聞來學不聞

往教尊道藝今按此雖兩節其實互明一事也取於人者童蒙求我朋自遠來也取人者好為人師我

求童蒙也禮有取於人所以彼有禮尚往來往而不

來非禮也來而不往亦非禮也疑事毋質質成也彼

已成言之終不然則傷知知音智直而勿有直正

疏曰人多專固未知而為己知故戒之不疑在躬躬身也不度

若不疑則當稱師民械度大洛反械戶戒反械兵器也不願

於大家

大謂富之廣也嫌有貪欲汰侈之意

不訾重器

訾子思反也重猶寶也

訾思

按訾猶計度也下無訾金玉成器字義同此國語云訾相其質漢書云為無訾者又云不訾之身皆此義此言

不訾重器者謂不欲量物之貴賤亦避不審也

不窺密

窺苦規反窺密隱曲處也

旁狎

旁泛及也泛與人狎習不恭敬也

不道舊故

舊事既非今日所急且或揚人宿過以取

憎惡如陳勝賓客言勝故情為勝所殺之類也

不戲色

戲色謂嬉笑侮慢之容少儀

母拔

來母報往

拔蒲末反報讀為赴疾之赴拔赴皆疾也人來往所之當有宿漸不可卒也宿音秀

卒才反母瀆神

瀆謂數而不敬神明正直當敬而疏曰瀆慢

母循枉

前日

正不可復遵母測未至

測意度也孔子所謂逆詐億不信之類也

母訾衣服

成器

與不訾重器之意同

毋身質言語

質成也聞疑則傳疑若成或有誤即上文疑事

母質之意也此三節十七事皆非謙遜謹厚之道故戒之

博聞強識而讓敦

善行而不怠謂之君子

識音志行下孟反敦厚

君子不盡人之

歡不竭人之忠以全交也

歡謂飲食忠謂衣服之物呂大臨曰君子躬自厚而薄

責於人責人厚而莫之應此交之所以難全也歡謂好於我也忠謂盡心於我也好於我者望之不深則不至於倦而難繼也酬酒不舉三酌油而退是也盡心於我者不要其必力致則不至于不能勉而絕也詩云每有良朋烝也無戎是也

右通言

傳曰禮者所以定親疎決嫌疑別同異明

是非也

別必列反

道德仁義非禮不成教訓正俗非禮

不備分爭辨訟非禮不決君臣上下父子兄弟非禮

不定宦學事師非禮不親班朝治軍蒞官行法非禮

威嚴不行禱祠祭祀供給鬼神非禮不誠不莊

別彼列反

辨皮免反朝直遙反宦音患次也蒞臨也莊敬也學或為御

分辨皆別宦仕也班

學仕宦之事學謂習學六藝此二者俱是事師左傳靈輒云宦三年矣服虔云宦學也是學職事為宦也

是故君子恭敬撙節退讓以明禮

撙祖本反為恭在心為敬撙

猶趨也趨就也向也疏曰

鸚鵡能言不離飛鳥猩猩能言不

離禽獸令人而無禮雖能言不亦禽獸之心乎夫唯

禽獸無禮故父子聚麀

麀厄耕反鷓音武離力智反
狸音生麀音憂聚猶共也

鹿北曰麀
北頻忍反

是故聖人作為禮以教人使人以有禮

知自別於禽獸

呂大臨曰夫人之血氣嗜欲視聽食
息與禽獸異者幾希特禽獸之言與

人異爾然猩猩鸚鵡亦或能之是則所以貴於萬物
者蓋有理義存焉聖人因理義之同然而制為之禮
然後父子有親君臣有義男女有別人道所以立而
與天地參也縱恣怠放滅天理而窮人欲將與馬牛
犬彘之無辨是果於自暴自
弃而不欲齒於人類者乎

人有禮則安無禮則

危故曰禮者不可不學也

夫禮者自卑而尊人雖

負販者必有尊也而况富貴乎

負販者尤輕佻志利宜若無禮然富

貴而知好禮則不驕不淫貧賤而知好禮則志不懾

好呼報反懾之揲反懾猶怯惑

君子之容舒遲見所尊者齊遯

齊音咨又側皆反遯音速謙慤貌也遯猶蹙蹙

也疏曰舒遲閑雅也雖尋常舒遲若見所尊者則齊遯齊遯言自斂持不敢寬奢

足容重舉

遲也手容恭高且正也目容端不邪睇而視也睇大計反口容止不妄動也聲

容靜

不噦咳也噦反咳苦代反噦於

頭容直

不傾頤也

氣容肅

似不立容

德

如有人授物予已受得之之形也

色容莊

勃如戰色

坐如尸

尸居神位敬慎也

立如齊

齊祭側皆反

磬且聽也齊謂按此二句本篇

重出者上有若夫二字乃大戴曾子事父母篇文別起下文之義錄者誤并取之也今刪去

燕居告

溫溫

告謂教使也

凡祭容貌顏色如見所祭者

如覩其人在此

喪容纍纍

纍力追反

羸力皮反羸德貌瘦瘠

色容顛顛

顛又作羸音田

憂思貌不舒暢也思思嗣反

視容瞿瞿梅梅

瞿紀具反

疏曰瞿瞿驚遽也

之貌梅梅猶微微謂微昧也

言容繭繭

繭古典反繭繭猶綿綿此上四句皆

聲氣微也

為喪容也

戎容暨暨

暨其記反果毅貌也

言容詬詬

詬五格反教令嚴也

色

容厲肅

義形貌也疏曰厲嚴肅威也以義斷割故形於色

視容清明

察於事也此上四句

皆為戎立容辨卑毋調辨讀為貶自貶卑謂磬折也調

諂音頭頸必中直頭容山立搖不動時行時而後盛氣顛實

揚休顛依注讀為闌音田顛讀為闌揚讀為陽聲之

也玉色色不變也自立容以下吉事尚尊喪事尚親

為主禮曰以服之精麤為序吉事尚尊喪事尚親

喪事主哀會同主誦誦況矩反恭在貌也而有敬又

旅思險隱情以虞險阻出苛覆誦之虞度也常思念已情之所能以度彼

之將然否阻側呂反覆芳富反謂伏兵也徐音赴誦

況煩反誦詐也或云誦詳處昌慮反度大各反少儀

儀禮經傳通解

優游喜樂者鍾鼓之色愀然清靜者纓絰之色勃然

充滿者兵革之色

愀七小反

臨喪則必有哀色介冑則有

不可犯之色

貌與事宜相配介冑也

故君子戒慎不失色於人

失色

謂失其所當如臨喪不哀軍旅不嚴之類

言語之美穆穆皇皇朝廷之美

濟濟翔翔祭祀之美齊齊皇皇車馬之美匪匪翼翼鸞

和之美肅肅雍雍

美音儀濟子禮反齊于況反匪芳非反

如字皇音往徐匪讀如四壯駢

駢之駢齊齊皇皇請如歸往之往美皆當為儀字之誤也周禮教國子六儀一曰祭祀之容二曰賓客之容三

曰朝廷之容四曰喪紀之容五曰軍旅之容六曰車馬之容疏曰穆穆皇皇美大之狀濟濟翔翔厚重寬舒

之狀皇如歸往之往者孝子祭祀心有所繫往匪坐
匪翼翼嚴正之狀肅肅敬也雍雍和也少儀

視膝立視足應對言語視面

士相見云子視父則遊目無上於面無下於帶若不

言立則視足坐則視膝鄭立視前六尺而大之

蓋臣於君前視

也近視六尺自此而廣之雖遠視而不過三丈
六尺曲禮曰立視五雋彼在車上與此不同也

九擗

一曰稽首二曰頓首三曰空首四曰振動五曰吉擗六

曰凶擗七曰奇擗八曰褒擗九曰肅擗以享右祭祀

音擗

拜

稽音啓振動如字李音董杜徒弄反褒音報右音又

疏曰稽首者拜頭至地稽留也頓首者拜頭叩地也
稽首頓首頭俱至地但稽首留地稍久頓首至地即舉
故以叩地為別謂若以首叩物也空首者拜頭至手即

書所謂拜手也振動者杜子春云振讀為振鐸之振動
讀為哀慟之慟鄭大夫云動讀為董書亦或為董振董
以兩手相擊也康成不取別云振動戰栗變動之拜書
曰王動色變是也陸德明從鄭大夫說云今倭人拜以
兩手相擊蓋古之遺法也吉拜者拜而後稽顙謂先作
頓首後作稽顙顙稽顙雖類頓首但觸地無容故謂之稽
顙齊衰不杖期以下之拜也此殷之凶拜而周謂之吉
拜者以其與頓首相類而又比凶拜為輕也凶拜者稽
顙而後拜謂先即以首觸地無容而後稍伸叩拜三年
之喪拜是也又案孔子曰拜而後稽顙類乎其順也稽
顙而後拜頌乎其至也三年之喪吾從其至者鄭注云
自期如殷可則是不杖期以下用殷之喪拜也雖記又
云三年之喪以喪拜非三年之喪以吉拜是也奇拜杜
子春云奇讀如奇偶之奇謂先屈一膝即今之雅拜鄭
司農云奇讀曰倚謂持節持戟身倚之以拜也康成不
取別云奇拜者一拜也臣禮曰君答壹拜當亦如前空

首是也。褻拜者再拜也。拜神與尸也。褻讀為報。鄭司農以爲今持節拜也。肅拜者但俯下手即鄉飲酒賓客入門擯也。春秋傳曰爲事故敢肅使者是也。享獻也。謂朝踐獻尸時也。祭祀二灌後惟有朝踐饋食稱獻。右讀爲侑。謂侑勸尸食也。此九拜非專爲祭祀而以祭祀結之者。祭祀禮最重也。又曰九拜之中四種是正拜。一曰稽首。二曰頓首。三曰空首。九曰肅。操空首者先以兩手拱至地乃頭至手也。頓首者是空首之時引頭至地少時即舉也。稽首者稽是稽留之義。頭至地多時方舉也。稽首拜中最重。臣拜君之拜若頓首則平敵自相拜之拜也。若空首者君答臣下之拜也。其有敬事則亦稽首也。肅拜於拜中最輕。唯軍中有肅拜。婦人亦以肅拜爲正。其餘五拜附此四種振動附稽首。吉拜附頓首。奇拜附空首。凶拜褻拜亦附稽首。顙素黨反。齊音咨。期音基。頌音壘。又音畿。惻隱之貌。擯於至反。即今之揖也。今按九拜之說以注疏通修如此。但振動奇拜褻拜之

義未詳
是否耳

志有四興朝廷之志淵然清以嚴祭祀之志

諭然思以和軍旅之志怫然愠然精以厲喪紀之志

然憂以湫四志形中四色發外維如志色之經也

怫符
勿反

愠紆粉反
湫即由反

容有四起朝廷之容師師然翼翼然

整以敬祭祀之容遂遂然粥粥然敬以婉軍旅之容

然肅然固以猛喪紀之容恂然懾然若不還容經也

粥
于

六反
婉紆晚反
恂彼側反
恂於求反
又於久反
懾質涉反

視有四則朝廷之視端不

平衡祭祀之視視如有將軍旅之視固植虎張喪紀之

視下不垂網視經也

汜古流反

言有四術言敬以固朝廷之

言也文言有序祭祀之言也屏氣折聲軍旅之言也言

若不足喪紀之言也言經也固頤正視平肩正背臂如

抱鼓足間二寸端面攝纓端股整足體不搖肘曰經立

因以微磬曰共立因以磬折曰肅立因以垂佩曰卑立

立容也

共音恭下同

坐以經立之容肘不差而足不跌視平

衡曰經坐微俯視尊者之膝曰共坐仰首視不出尋常

之內曰肅坐廢首佞肘曰卑坐坐容也

跌徒結反
佞與低同

行以

微磬之容臂不搖掉肩不下上身似不則從然而任行

容也

掉徒
吊反

趨以微磬之容飄然翼然肩狀若不足如射

箭趨容也旋以微磬之容其始動也穆如驚候其固復

也旋如濯絲跣旋之容也

倏式六反
跣步般反

跪以微磬之容揄

右而下進左而起手有抑揚各尊其紀跪容也拜以磬

折之容吉事上左凶事上右隨前以舉項衡以下寧速

無違背項之狀如屋之互拜容也

互未
詳

拜而未起伏容

也坐乘以經坐之容手撫式視五旅欲無顧顧不過轂

小禮動中禮式大禮下坐車之容也

乘繩證反下同

立乘以經

立之容右持綏而左臂詘存劒之緯欲無顧顧不過轂

小禮據中禮式大禮下立車之容也禮介者不拜兵車

不式不顧不言反抑式以應武容也兵車之容也若夫

立而跛坐而蹠體怠懈志驕傲趨視數顧容色不比動

靜不以度妄咳唾疾言嗟氣不順皆禁也

跛彼寄反又作跛去智反

蹠蒲堅反足不正也

趨七舍反數音朔比毗志反咳音慨唾吐卧反

自志有四興至此並賈誼容經

右容節

君子之居恒當戶

恒胡登反明鄉許亮反

寢恒東首

首生氣也首手又

反

若有疾風迅雷甚雨則必變雖夜必興衣服冠而坐

敬天之怒迅音峻又音信衣於既反

日五盥沐稷而醑梁櫛用櫛櫛髮

晞用象櫛進機進羞工乃升歌

盥音管醑音悔櫛側乙反櫛章善反機其既反

晞乾也沐醑必進機作樂盈氣也更言進羞明為羞

籩豆之實疏曰沐沐髮也醑洗面也取稷梁之潘汁

須滑故也然此大夫禮耳人君則沐醑皆梁也櫛白理

木也櫛梳也沐髮為除垢膩故用白理盥木以為梳沐

已燥則髮盥故用象牙滑櫛以通之也機謂酒也少儀

注云沐而飲酒曰機是沐畢必進機酒又進羞也羞籩

羞豆為飲而設庶羞為食而設今進機則為飲設故知

非庶羞也樂工乃升堂以琴瑟而歌以其新沐體虛補

益氣 浴用二中上絺下綌絺丑疑反 綌去逆反 出杆

履蒯席連用湯

杆音雪 蒯苦怪反 連力旦反 杆浴器也 蒯席澁便於洗足也 連猶釋也 疏

曰蒯菲草席澁 履蒲席衣布晞身乃屨進飲進飲亦盈

藻

齊必有明衣布

齊側皆反 齊必沐浴浴竟即著明衣所以明潔其體也以布為之

必有寢衣長一身有半

長去聲 齊主於敬不可解衣而寢又不可著明衣而寢故別

有寢衣其半 齊必變食居必遷坐

變食謂不飲酒不如革遷坐易常處也 楊

氏曰齊所以交神故致潔變常以盡敬 論語

右居處齊潔之事

步中武象趨中韶

護中丁仲反護音護佩王之聲

君與尸行接武

尊者尚徐蹈半迹二足相躡每蹈於半不得各自成迹故

云接武

大夫繼武

迹相及也士中武迹間容迹疏曰中猶間

徐趨皆用是

皆如大夫士之徐行也疾趨則欲發而手足

毋移

疾趨謂直行也疏數自若發謂起屨也移之言靡

數色角反

圈豚行不舉足齊如流

圈舉遠反又去阮

困反齊音咨本又作齊

圈轉也豚之言若有所循不

舉足曳踵則衣之齊如水之流矣孔子執圭則然此徐

趨也疏曰圈豚行者言徐趨法曳轉足循地而行也

齊如流者齊裳下緝也足既不舉身又俯節則裳下委

地如水

席上亦然

尊處亦尚徐言未坐時也

端行頤雷如矢并行剡

剡起屨

此頤音夷雷力救反并皮彥反急也剡以漸反此疾趨也端直也頤或為還也疏曰頤雷者

行既疾身乃小抑而頭直俯臨前頤如屋雷之垂也如矢者身趨前進不斜如箭也并急也剡剡身起貌也急

行欲速而身屨常起也

執龜玉舉前曳踵蹢蹢如也

蹢章勇反蹢蹢色六反

徐趨之事踵足後根也疏曰謂將行之時初舉足前後曳足根行不離地舉足狹數也凡行容惕

惕

惕音傷貌也凡行

謂惕惕直疾謂道路也

廟中齊齊

齊才氣反又在啓反恭懃嚴正貌也

疏曰齊齊自收持嚴正之貌

朝廷濟濟翔翔

濟徐子禮反有威儀也翔本又作洋音詳莊

敬貌也

疏曰濟濟威儀矜莊翔翔行而張拱玉藻

帷薄之外不趨

帷幔薄廉也不

見尊者行自由不為容也入則容行而張足曰趨
曰禮天子外屏諸侯內屏卿大夫以簾士以帷外屏門

外為之內屏門內為堂上不趨為其迫也堂下則
之邦君樹塞門是也

不趨於迫狹執玉不趨志重玉也聘禮曰上介授賓玉
無容於迫狹

上介授賓玉於主人廟門外賓執
玉進入門內不疾趨而為徐趨執龜筮不趨於重器
無容

堂上接武武迹也迹相接謂每移足
半躡之中人之迹尺二寸堂下布武布武謂
每移足

各自成迹室中不翔又為其迫也行
不相躡室中不翔而張拱曰翔凡奉者當心提

者當帶奉芳勇反又作捧提徒兮反高下之節疏
曰帶有二處朝服之屬其帶則高於心深衣之

類其帶則下於脇何以知然玉藻說大帶云三分帶下
紳居二焉紳長三尺而居帶之下三分之二則帶之下

去地四尺五寸矣人長八尺為限若帶下四尺五寸則帶上所餘正三尺五寸故知朝服等帶則高也而深衣云帶下毋厭髀上毋厭脇當無骨者故知深衣之帶則下也今云提者當帶謂深衣之帶且古人恒著深衣此明平常提奉故益可知也曲禮

右步趨奉持之容

入竟而問禁入國而問俗入門而問諱

竟音境皆為敬主人也禁謂

政教俗謂常所行與所惡也國城中也

適有喪者曰比

適之也往也曰比某願比於將命

者比猶比方俱給事家也今按比恐當音

疏曰比謂往敵者喪必寐反為比附之義

童子曰聽

事

曰某願聽事於將命者童子未成人不敢當相見之禮

適公卿之喪則曰聽役

於司徒

喪憂戚無賓主之禮皆為執事來也

疏曰貴

之事故其職云大喪帥六鄉之衆庶屬其六引而治其政令又檀弓云孟獻子之喪司徒旅歸四布隱義云公

卿亦有司徒官以掌喪事也

始入而辭曰辭矣即席曰可矣

猶可

止也謂擯者為賓主之節也始入則告之辭至就席則止其辭疏曰始入謂始入門辭謂擯者告主人辭讓

賓令賓先入也至階之時擯者亦應告主人曰辭讓賓先登此不言者始入之文包入門登階矣

少儀

其未有燭而有後至者則以在者告道瞽亦然

道音導為其

不見意欲知之也師冕見及階子曰階也及席子曰席也皆坐子告之曰某在斯某在斯為于偽反

少儀

問品味曰子亟食於某乎問道藝曰子習於某乎子

善於其乎

亟去冀反 亟數也 猶常也 不斥人謙也 道三德三行也 藝六藝三德三行六藝並見

學制少儀

擬人必於其倫

擬魚起反 擬猶比也 倫猶類也比大夫當於大夫比士

當於士不以其類則有所襲

問天子之年

疏曰此謂幼少新立之主或遠方異域至者問朝廷

之臣下國君倣此

對曰聞之始服衣若干尺矣

既不敢言年又不敢斥至尊所

能然又不言見但云聞之依違而不敢斥所以為恭也

問國君之年長曰能從宗

廟社稷之事矣幼曰未能從宗廟社稷之事也問大夫

之子長曰能御矣幼曰未能御也問士之子長曰能典

謁矣幼曰未能典謁也問庶人之子長曰能負薪矣幼

曰未能負薪也

長丁丈反下同知御猶主也書曰

皆言其能則長幼可越乃御事謂主事者

謁請也謂能擯贊出入以事請告也禮四十強而仕五十命為大夫

問國君之子長幼

長則曰能從社稷之事矣幼則曰能御未能御

御謂御事問

大夫之子長幼長則曰能從樂人之事矣幼則曰能正

於樂人未能正於樂人

正樂正也謂幼者習樂未成但聽政令於樂人周禮大司樂以

樂德樂舞教國子

問士之子長幼長則曰能耕矣幼則曰能負

薪未能負薪

士祿薄子以農事為業少儀

君使士射不能則辭以

疾言曰某有負薪之憂

射者所以觀德唯有疾可以辭也使士射謂以備耦也憂或為

疾 疏曰射法每兩人相對以決勝負名之曰耦負薪之憂者言疾病氣劣方恐不能負薪故不能射謙詞也

問國君之富數地以對山澤之所出問大夫之富曰

有宰食力祭器衣服不假問士之富以車數對問庶人

之富數畜以對

數色主反下數畜同畜許六反始養曰畜皆在其所制以多少對天子尊無

與敵奄有四海故非所問也宰邑士也食力謂民之賦稅上士三命則得賜車馬副車隨命中士乘棧車無副也

車

弔喪弗能賻不問其所費問疾弗能遺不問其所

欲見人弗能館不問其所舍賜人者不曰來取與人者

不問其所欲

賻音附公羊傳曰錢財曰賻穀梁傳曰歸生者曰賻費芳味反遺于季反皆為傷

恩也見人見行人館舍也與人問其所欲已物或時非其所欲將不與也

國君去其國

止之曰奈何去社稷也大夫曰奈何去宗廟也士曰奈何

何去墳墓也

皆民臣殷勤之言去謂如三諫不從或曰大夫士

在朝

言禮問禮對以禮

朝直違反下同朝謂君臣謀政事之處於朝廷言無所不用禮

輟

朝而顧不有異事必有異慮

心不正志不在君輟猶止也顧謂迴顧

故輟

朝而顧君子謂之固

固謂不達於禮

在官言官在府言府在庫

言庫在朝言朝

唯君命所在就展習之也官謂版圖文書之處府謂寶藏貨賄之處庫謂車馬

兵甲之處朝謂君臣謀政事之處也

朝言不及犬馬

非公議也

公庭不言婦女

非其時也
公事不私議

嫌若姦也

朝廷曰退

近君為進言於朝廷之中若欲散

還則稱曰退

燕遊曰歸

禮襲主於家也

師役曰罷

罷音皮罷之言罷勞也

春秋傳曰師還曰罷

少儀

今按易曰或鼓或罷與史記將軍罷休就舍之罷亦同注引春秋傳疏以為用

何休注傳

賀取妻者曰某子使某聞子有客使某羞

取去聲

謂不在賓客之中使人往者羞進也言進於客古者謂候為進其禮蓋壺酒束脩若犬也不斥主人

云然者蓋不言娶妻而但稱有客爾

望柩不歌入

臨不翔

臨如字舊力鳩反哀傷之無容樂

當食不歎

食或以樂非歎所疏曰人召吉食

則有樂賤者則無故云或也

適墓不歌

非樂

哭日不歌

哀未忘也執紼不

笑臨樂不歎臨祭不惰

為無神也 今按無神謂不神在也

居喪不

言樂祭事不言凶

右言語之禮

傳魏中山舍人倉唐使文侯召倉唐

而見之曰擊無恙

使色吏反 見賢遍反

倉唐曰唯唯如是者三

乃曰君出太子而封之國君名之非禮也

唯于反文侯

怵然為之變容問曰子之君無恙乎

怵尺律反 為于偽反倉唐

曰臣來時拜送書於庭文侯指顧左右曰子之君長

孰與是倉唐曰禮擬人必以其倫諸侯無偶無所擬

之曰長大孰與寡人倉唐曰君賜之外府之裘則能

勝之賜之斥帶則不更其造

勝音升更音庚

晉獻文子成

室大夫發焉

文子趙武也作室成晉君獻之謂賀也諸大夫亦發禮以往

張老曰

美哉輪焉美哉奐焉

輪起倫反奐本亦作煥其奢也輪輪囷言高大奐言衆

多

疏曰春秋外傳曰趙文子為室斲其椽而斲之張老諫之是也

歌於斯哭於斯聚

國族於斯

祭祀死喪燕會於此足矣言此者欲防其後復為

文子曰武也得

歌於斯哭於斯聚國族於斯是全要領以從先大夫

於九京也北面再拜稽首

要一違反於刑誅也

全要領者免晉卿大夫之墓

地在九原京蓋

君子謂之善頌善禱

善頌謂張老之言善禱謂文子

之言禱求也
檀弓

凡飲酒為獻主者執燭抱燋客作而辭然後以授人

側燋

角反又子約反或音在遙反為宵言也主人親執燭敬賓示不倦也言獻主者容君使宰夫也未燕曰燋

燕人悅反疏曰凡飲酒主人自獻賓若尊卑不敵則使宰夫為主以獻賓故云為獻主也執燭不

讓不辭不歌以燭繼晝禮殺殺色戒反疏曰禮賓主有讓及更相辭謝又各歌詩相顯德令

既夜莫所以凡羞有涪者不以齊也涪起及反齊和殺於三事也疏曰賀瑒云

凡涪皆謂大羹為君子擇蔥薤則絕其本末為于偽反大羹不和也

為有萎乾音干 疏曰根不淨末萎乾羞首者進喙祭耳喙許穢

出見也見賢遍反 疏曰石膳羞有牲頭者則進口以嚮尊者尊者若祭先取牲耳祭之也牛羊之

肺離而不提心提丁禮反 提猶絕也劉離之尊者以不絕中央少者使易絕以祭耳

酌者之左為上尊尊者設尊者也酌者鄉尊其左則右尊也 疏曰人君陳尊在東楹之西

於南北列之設尊之人在尊西嚮東以右為上則尊以南為上也酌謂酌酒人也酌人在尊東西面以左為上

亦上南也二人俱以南為上也庾云燕禮司宮尊于東楹之西兩方壺左玄酒南上注玉藻云唯君面尊玄酒

在南順君之面也下云公席阼階上西鄉下又云執事者升自西階立于尊南北面東上案左玄酒南上之言

是設尊者東嚮酌者西嚮設者之右則酌者之左也今按設尊之法鄉飲酒云玄酒在西鄉射云左玄酒而

鄭注云設尊者北面西曰左即此所謂尊者以酌者之左為上尊者蓋言設尊之人方其設時即預度酌酒人之左尊而實以玄酒也若據燕禮則設尊者西面而左玄酒南上公乃即位於阼階上則酌者不得背公自當東面以酌而上尊乃在其右矣故此經所云以為為鄉飲鄉射而言則可以為燕禮而言則正與之反今鄭注既不分明庾孔又皆引燕禮而反謂酌者西面其辟戾甚矣惟賈疏以為據君面以左為尊者得之今詳見其本

尊壺者面其鼻

鼻在面中言鄉人也

凡洗必盥

先盥乃洗爵先自潔

也盥有不洗也

未步爵不嘗羞

步行也少儀

柄尺不跪

豆有柄長尺則

立進之弟子職

取俎進俎不坐

以其有足亦柄尺之類少儀

飲酒者

襪者醺者有折俎不坐

襪其記反醺子笑反折之設反折俎尊徹之乃坐也已沐飲

曰犧酌始冠曰醺 疏曰素鄉飲酒燕禮有折俎者皆
不坐獨云犧者醺者不坐者以二者無折俎之時則得
坐嫌畏有折俎亦坐 其有折俎者取祭反之不坐燔
故特明之 少儀

亦如之

燔音煩 亦為有足柄尺之類折俎折骨於俎
也燔炙也 鄉射曰賓奠爵于薦西興取肺坐絕

祭左手齊之興加于俎 疏曰折俎謂折骨於俎既有足
輒本又作執始銳反 輒曰折俎謂折骨於俎既有足

柄尺之類故就俎取所祭肺立而取之升席坐祭訖反
此所祭之物加之於俎皆立而為之故云取祭反之不

坐唯祭時坐耳燔亦如之者燔謂燔肉雖非折骨其
肉在俎其取及祭反時皆亦不坐故云燔亦如之 尸

則坐 尸尊也少牢禮曰尸左執爵右兼取肝肺濡于俎
鹽振祭齊之加于菹豆 疏曰前所引鄉射云興

則知不坐此引少牢不云 一室之人非賓客一人徹事
興故知尸則坐也 少儀

合居者一人則當少者壹食之人一人徹壹猶聚也為也賓客則各徹其饌也

凡燕食婦人不徹婦人質不備禮玉藻餽餘不祭父不祭子

夫不祭妻餽子閏反今按禮君賜腥則熟而薦之以為榮若賜熟食則恐是餽餘故不以祭妻子

雖卑於已然既沒則以神道接之故亦不以祭也諸侯無故不殺牛大夫無

故不殺羊士無故不殺犬豕庶人無故不食珍故謂祭饗

曰案膳夫王日一舉鼎十有二物謂太牢也玉藻云天

子食日少牢朔月大牢諸侯食日特牲朔月少牢則知

大夫食日特牲朔月特牲士日食無文朔月特牲故內則曰見子具視朔食注云天子太牢諸侯少牢大夫特

豕士特豚是常食有限不得踰越而大行人掌客諸侯

待賓皆用牛公食大夫禮大夫食賓禮亦用牛是有故

乃得殺也

王制

君子不食圉腴

圉與黍同音患周禮圉作黍謂犬豕之屬食米穀

者也腴有似於人穢謂腸胃故鼎闕一也

疏曰腴少儀

右飲食之禮

凡言賓主之事附相見禮侍食於君者附臣禮事長者附少儀其雖者附此篇

為人祭曰致福為己祭而致膳於君子曰膳祔練曰告

為于偽反申其辭也

此皆致祭祀之餘於君子也攝主言致福祭言膳謙也祔練言告不敢以為福膳也

凡膳告於君子主人展之以授使者于阼階之南南面

再拜稽首送反命主人又再拜稽首

使色更反稽音啓展省具也其

禮大牢則以牛左肩臂臠折九个少牢則以羊左肩七

个牯豕則以豕左肩五个

大音泰報反又人於反个古賀反

牯大得反折斷分之个猶段也皆用左者右以祭也

不言臂臠因牛序之可知 疏曰禮得太牢則用牛膳

周人牲體尚左右邊已祭所以獻左也周貴肩故用左

肩也九个者取肩自上斷折之至蹄為九段以獻之也

臂臠謂肩脚也若禮得少牢者則膳羊左肩折為七个

不云臂臠從上可知然並用上牲不并備饌故太牢者

惟牛少牢者惟羊也若祭唯特豕亦用豕左肩五个以為膳也

其以乘壺酒束脩

一大賜人若獻人則陳酒執脩以將命亦曰乘壺酒束

脩一犬

乘繩證反陳重者執輕者便也乘壺四壺也

酒謂清也糟也不言陳犬或無脩者牽犬以致

命也於卑者曰賜於尊者曰獻便婢面反下同糟早

勞反疏曰四馬曰乘故知乘壺為四壺束脩十脰脯

也沛酒曰清不沛曰糟陳列也酒重脯輕其以鼎肉則陳列重者於門外而執輕者入以將命

以將命

鼎肉謂牲體已解可升於鼎

其禽加於一雙則執一雙以將

命委其餘

加猶多也其餘陳於門外

疏曰委

大則執縹守犬大田大則

授擯者既受乃問大名牛則執紉馬則執勒皆右

縹息列反

守手又反紉文引反勒丁歷反

縹紉勒皆可以繫制之者犬有三種一曰守犬二曰田犬三曰食犬守犬田

犬問名畜養者當呼之名謂若韓之盧宋之鵠之屬右之者執之宜由便也

臣則左之異於衆物

臣謂車則說綏執以將命甲若有以前之則執以將命

無以前之則袒橐奉冑

說又作脫又作稅同吐活反袒音但橐音羔奉芳勇反冑直又

反甲鎧也有以前之謂它摯幣也囊攷鎧衣也宵也鎧也袒其衣出兜鎧以致命鎧告代反攷吐刀反兜

丁侯反鎧器則執蓋謂有弓則以左手屈韞執拊獨拊音

拊武反韞弓衣也左手屈衣并於劍則啓櫝蓋襲之

加夫褱與劍焉櫝音獨夫音扶注同褱如遙反櫝謂

函中而置劍於衣上夫或為煩皆發聲函音咸卻去

底於蓋上加劍衣於函中而復以笏書脩也苞苴弓茵

席枕几類杖琴瑟戈有办者櫝句筴籥其執之皆尚左

手苴子余反茵音因類京領反又堦迥反苞苴謂編

束萑葦以裹魚肉或它物也茵著蓐也既夕禮云茵

著用茶謂用茶莠以著茵也類警枕也莢著也蒿如茵
三孔皆十六物也左手執上上陽也右手執下下陰也

辱 編必綿反管音姦葦于鬼反裏音果著音寧蓐音
疏曰皆尚左手在上而執之右手在下而承之刀

卻办授穎削授拊

卻去略反穎役頂反削音笑拊謂把

其办授之以穎以削

疏曰授人以刀卻仰凡有刺办者

以授人則辟办

刺七智七亦二反鄉辟办不以正儀

凡遺人弓者張弓尚筋弛弓尚角

遺于季反弓有往來體皆欲令其常曲

隤然順也遺人無時已定體則張之未定體則弛之
隤徒回反疏曰弓之為體以木為身以角為面筋在

外面張之時曲來嚮內故遺人之時使筋在上弓身曲
嚮其下其弛弓之時反張嚮外筋在曲內角在曲外今

遺人之時角嚮其上弓形亦曲嚮下故鄭皆欲令其下曲肱然順也弓人云秋合三材冬定體此注云未定體

則方合三右手執簫左手承弣弣音撫簫弣音撫也弣把也謂

弣亡婢反弓末也邪似嗟反把音霸手執處也疏曰

簫謂弓頭頭稍刺差邪似簫客覆右手執弓下頭又卻

下左手以承弓把把當中央而高尊卑垂悅悅佩巾也

兩頭類下以授主人主人在左尊卑垂悅悅佩巾也

雖或一尊一卑然皆當磬折垂悅也若主人拜也

則客還辟辟拜還音旋辟上扶亦反下音避辟拜

拜者方執弓主人自受由客之左接下承弣由從也從

不得拜也客尊之接下接客手下也承弣卻手則執簫覆手與

覆芳服反疏曰主人拜客既竟從客左與客並以卻

左手接客左手之下而承

鄉與客並然後受

鄉去聲於堂上則

俱南面禮敵者並授

疏曰言於堂上俱南面是嚮明故也若不於堂上則未必南面當隨時便而俱嚮明云

進劍者左首

不以末授人

疏曰進亦遺也首劍拊環也魯叔孫之圉人欲殺公

若偽不解禮而授之劍末以

進戈者前其鑕後其刃進

矛戟者前其鑕

鑕在圉反舊子圉反又作管反矛本也

後亦敬也三兵鑕

鑕雖在下

猶為首銳底曰鑕取其鑕地平底曰鑕取其

為鉤也直刃長八寸橫刃長六寸刃下接柄處長四寸

並廣二寸用以鉤害人也刃當頭而利者也鑕在尾而

鈍者也刃如鋌而三廉也戟令之戟也兩邊皆安橫刃

長六寸中刃長七寸半橫刃下接柄處又長四寸半並

廣寸半，鍛為矛戟柄尾，平底者也。亦應並授，不云左進，右而云前後者，若相對則前後也。若並授，則左右也。

几杖者拂之。

尊者所馮依，拂去塵敬也。

效馬效羊者，右牽之。

效，下同。

用右手便効，猶呈見。

疏曰：馬羊。

效犬者，左牽之。

犬

有力人右手亦有効，故用右手牽之。

齧人右手當禁備之。

齧，常世反。

疏曰：犬有三種，前

云右牽之者，彼是田犬，守犬，畜養，馴善，無可防禦，此乃

食犬，則當左手。

執禽者，左首。

左首，尊。疏曰：左陽也。首

牽之右手防禦。

執禽者，左首。

亦陽也。左首，謂橫捧之也。

凡鳥皆然。若並授，則主人

在左，故客以鳥首授之也。

飾羔鴈者，以績。

績，胡對反。

大夫以布，天子大夫以畫。疏曰：飾，覆也。畫，布為雲氣

以覆羔鴈為飾，以相見也。士相見，禮云：下大夫以雁上

大夫以羔飾之，以布不言績者，彼

是諸侯卿大夫卑，故但用布也。

受珠玉者，以掬。六反。

慎也。搗手中。疏曰：珠玉寶重，受弓劍者以袂敬也。

置在手中，不以袂承之，恐墜落。故用衣袂承接。水潦降，不獻魚鱉。多也。獻鳥者，佛其

首。為其喙害人也。佛，戾也。畜鳥者，則勿佛也。畜養也。養則馴，獻

車馬者，執策綏獻。甲者，執冑。獻杖者，執末。獻民虜者，操

右袂。獻粟者，執右契。獻米者，操量鼓。獻熟食者，操醬齊。

獻田宅者，操書致。亮一音良，斗，斛也。齊，一作釐，同。子兮

反，凡操執者，謂手所舉以告者也。釋其大者，舉其小

者，便也。甲，鎧也。冑，兜鍪也。民虜，軍所獲也。操其右袂，制

之契要也。右為尊，量鼓，量器名。疏曰：末者，拄地頭也。

稻之屬契謂兩書一札同而別之米六米之等量是知
斗斛之數鼓是量器名也隱義云東海樂浪人呼容米
十二斛者為鼓以量米故云量鼓獻米者執器以呈之
孰食蔥渫之屬醬齊為食之主若見芥醬必知獻魚鱉
之屬也書致謂圖書於板丈凡以弓劍苞苴簞筭問人
尺委曲書之而致於尊者也
者簞音單筭思嗣反竹器也問猶遺操以受命如使
也簞音單筭思嗣反竹器也問猶遺操以受命如使
之容使色吏反謂使者酒肉之賜弗再拜輕也受重賜者拜
疏曰再猶重也酒肉輕故初賜至則拜明日不重往拜也
以上並曲禮

右問遺之禮

升車必正立執綏

綏挽以上車之索也范氏曰正立執綏則心體無不正而誠意肅恭矣蓋

君子莊敬無所不在
升車則見於此也
車中不內顧不疾言不親指
內顧

也禮曰顧不過轂三者皆失容且惑
人此記孔子升車之容也
論語
國君不乘奇車

奇居宜反奇邪不正之車何云不如法之車
出入必
正也奇車獵衣之屬
疏曰獵車之形今之鈎車是也

衣車如鼃而長也漢桓
帝之時禁臣下乘之
車上不廣效
效開代反為若

不妄指
為惑
立視五雋
雋本又作雋惠圭反立平視

為縈
縈又作縈如捶反
疏曰車輪一周為一規乘
車之輪高六尺六寸徑一圓三三六十八得一丈八尺

又六寸為一尺八寸總一規為一丈九尺八寸五規為
九十九尺六尺為步總為十六步半在車上所視前十

六步
式視馬尾
小
顧不過轂
為掩
國中以策彗卹勿驅

塵不出軌

琴音送卹蘇沒反勿音沒驅如字又羌遇反入國不馳琴竹帚卹勿搔摩也搔素刀

反摩莫何反疏曰入國不馳故不用鞭策但取竹帚帶葉者為杖形如帚帚故云策琴云卹勿者以策微近

馬體不欲令疾也但僕搔摩之時其形狀卹勿然今按策琴疑謂策之琴若今時鞭末韋帶耳 驚

設於鑣和設於軾馬動而驚鳴驚鳴而和應行之節也

驚和皆鈴也

國君下齊牛式宗廟

齊側皆反疏曰案齊右職注云王見牲則拱

而式又引曲禮曰國君下宗廟式齊牛與此文與熊氏云此文誤當以周禮注為正大 大夫士下公

門式路馬

君子式黃髮

自下齊牛以下皆敬孝也髮白變黃彌老 下卿位

尊賢也卿位卿之朝位也君出過之而上車入未至而下車 疏曰卿位路門之內門東北面位出則過之而

上車入則未到而下車若迎賓客則樂師注云登車於大寢西階之前反降於阼階之前也或下卿位是諸侯禮樂師注入國不馳愛人也馳善蘭人也疏曰善猶好是天子禮入國不馳雷刺也一云躡也疏曰善猶好也蘭雷刺也若車入里必式不誣十室疏曰二十五里里巷首有門十室故入里則必式而禮之為敬也國君撫式大夫下之

大夫撫式士下之

撫猶據也據式小俛
崇敬也乘車必正立

右在車之容

凡僕人之禮必授人綏若僕者降等則受不然則否若僕者降等則撫僕之手不然則自下拘之

拘古侯反又
音俱撫小

止之謙也。自下拘之，由僕手下取之也。僕與己同爵，則不受。疏曰：降等謂士與大夫、大夫與卿、卿則主人不

須謙，故受取綏也。不然，謂僕者敵體，其主人宜謙不受。其綏也，自下拘之，謂既敵不受，而僕者必授，則主人當

卻手從僕手下自拘。僕御婦人，則進左手後右手。取之示不用僕授也。僕御婦人，則進左手後右手，遠

相向。疏曰：僕在中央，婦人在左。僕御之時，若進右手，則近相向。生嫌，故進左手持轡，而後右手使形微相背也。

御國君，則進右手後左手而俯。敬也。疏曰：禮以相嚮為敬，又非男女無所嫌。

故進右手也。俯者，既御不得恒式，故但俯俛而為敬也。僕於君子，君子升下則

授綏始乘，則式。君子下行，然後還立。乘時證反還音旋。還車而立，以俟。

其去。疏曰：升下升及下也。式，謂御者式以待君子升也。還車而立，以俟其去。僕人之禮，若君子將升，則僕先

升君子下行則僕後下或曰君車將駕則僕執策立於馬前故君子將下車則僕亦下車立於馬前待君子下

行乃更還車立以俟其去少儀

君車將駕則僕執策立於馬前

監駕

且為馬行

疏曰周禮諸僕皆用大夫士為之策馬杖也別有人牽馬駕車而此僕則知車事者也恐馬奔走

故自執馬杖

已駕僕展軛

軛歷丁反展軛具視也駕竟

僕則從車軛左右

效駕白已

奮衣由右上取貳綏

上時掌反

奮振去塵也貳副也

疏曰綏登車索綏有

跪乘繩

證立敬也

未執策分轡驅之五步而立

轡悲位反

下同轡

御馬索也車有一轅而四馬駕之中央兩馬夾轅者名服馬兩邊名駢馬亦曰駟馬故詩曰兩服上駟兩駟雁

行每一馬有兩轡四馬八轡以駮馬內轡繫於軾前其
駮馬外轡并夾轅兩服馬各二轡六轡在手分置兩手

是各得三轡也分轡既竟驅之使
行得五步止而僕倚立待君出也君出就車則僕并轡

授綏并必正反車上僕所主
轡及策置一手中所餘一空手取正綏授與君令

登車當右手并轡左手授
綏轉身向後引君上也左右攘辟
辟音避又扶亦反

駕者攘卻也或者攘古讓字
欲進行左右侍者遷卻以避車使不妨車行也車驅

而駮至于大門君撫僕之手而顧命車右就車門間溝

渠必步
駮仕救反僕手執轡車行由僕故君欲駐車
則抑止僕手也車右勇力之士備制非常者君

行則陪乘君式則下步行
行也至大門車行至外門時也疏曰駮謂從者疾驅從車
行也至大門車行至外門時也撫按止也君欲駐車故

君抑止僕手顧回頭也就車謂君命勇力之士上車也
車行有三人君在左僕在中央勇士在右初出門內未
顧勇士勇士趨在車後令車行既至大門恐有非常故
命車右上車門閭溝渠必步謂車右勇士之禮也步謂
下車門閭下者以君式故

執君之乘車則坐

謂執轡
謂守之

也溝渠下者備傾覆也

也君不在中
坐示不行也

僕者右帶劔負良綏申之面也諸辟

徒也

可反引也又他佐反臂音覓面前也臂覆苓也良善
善綏君綏也負之由左肩上入右腋下申之於前覆苓
上也苓力丁反腋音亦疏曰僕即御者也右帶劔
者帶之於腰右邊也帶劔之法在左以右手抽之便也
今御者劔右帶者御人在中君在左若左帶劔則妨於
君故右帶也君由後升僕者在車背君而面向前取君
綏由左腋下加左肩繞背入右腋下申綏之末於面
前也猶擲也苓車前蘭也亦名為式綏申於面而擲

末於車前轆上也今按下文始言以散綏升則是此時僕方在車下帶劍負綏而擲綏末於轆上君固未就車也及僕以散綏升之後君方出而就車此疏乃言君由後升僕者在車背君取綏而拖諸轆誤矣又疑綏制當是以索為環兩頭相屬故負之者得以如環處自左腋下過前後各上至背則合而出於右腋之中以申於前而自車下擲於轆上君升則還身向後復以散綏覆轆如環處授君使君得以兩手執之而升也以散綏升執轆然後步初升時執策分轆行車五步而立待君至步行也疏曰以散綏升者謂初升時也散綏副綏也僕登車既不得執君綏故執副綏而升也少儀今按此與上條皆非專為君御者之事蓋劍妨左人自當右帶綏欲授人自當負之以升又當升時無人授已故但取散綏以升乃僕之通法注疏皆誤

酌尸之僕如君之僕

當其為尸則尊疏曰祭輅僕為尸御車之人將欲祭輅

酌酒飲之如與君之僕以
其為尸則尊之似君也
其在車則左執轡右受爵祭

左右軌范乃飲

軌媿美反范音犯
祭軌乃飲軌與軌於車同謂轡頭也軌

與范聲同謂軾前也
軾音旨轡音衛軾音式
在車為僕在車中時也僕既主尸車故於車上執轡而

受爵也尸位在左僕立
在右故左執轡右受爵祭酒也
君僕亦然軌謂轂末范亦作範僕受爵將飲則祭之於

車左右軌及前范也
所以祭者為其神助已不
使傾危故也乃飲者祭遍乃自飲也
少儀

右僕御之禮

禮從宜

事不可常也
宜謂事之所宜若男女授
受不親為禮而祭與喪則相授器之類
使從

俗

亦事不可常也
牲幣之屬則當從俗所出
禮器曰天
不生地不養君子不以為禮鬼神不饗
使色吏反

齊俗謂彼國之俗若魏李彪以吉服弔齊齊裴昭明以凶服弔魏蓋得此義

貧者不以貨

財為禮老者不以筋力為禮

禮許儉不非無也年五十始杖八十拜君命一坐再

至

介者不拜為其拜而菱拜

為于偽反菱子卧反菱則失容節菱猶詐也

疏曰菱挫也戎容暨暨著甲而屈拜則挫損其戎威之容也一云著鎧而拜形容不足似詐也今按菱猶言

有所枝柱不利屈伸也

受立授立不坐

由便跪也坐

性之直者則

有之矣

有之有跪者也謂受授於尊者而尊者短則跪不敢以長臨之少儀按此句文義皆未通

恐是記失禮耳性之直猶所謂直情而徑行者歟

凡祭於室中堂上無跣燕

則有之

跣悉典反祭不跣者主敬也燕則有跣為歡也天子諸侯祭有坐尸於堂之禮祭所尊在室

燕所尊在堂將燕降說屨乃升堂
至士悉然也天子諸侯祭有朝事
延尸於戶外故坐尸於堂若卿大夫以下祭禮於室無坐尸於堂也
說屨也祭禮主敬故凡祭在室中者非唯室中不說屨堂上亦不敢說屨也
燕禮云賓及卿大夫皆說屨升就席則安坐而相親也少儀

右從宜

晏子聘魯上堂則趨授玉則跪

上時掌反

子貢

怪之問孔子曰晏子知禮乎孔子曰其有方矣我將問焉俄而晏子至孔子問之晏子對曰夫上堂之禮君行一臣行二今君行疾臣敢不趨乎令君之受幣也卑臣敢不跪乎孔子曰善禮中又有禮賜寡使也

何足以識禮

使色吏反

登城不指城上不呼

呼火故反號叫也為惑人

將適舍求毋固

謂行

而就人館固猶常也求主人物不可以舊常或時乏無

將入門問孰存

存在也

將上

堂聲必揚

警內人也

將入戶視必下戶外有二屨言聞則入

言不聞則不入入戶奉扃視瞻毋回

下叶音虎聞音問奉膚孔反扃古螢

反皆不干掩人之私也視必下不舉目也禮有鼎扃所以闢鼎故闢戶之木亦謂之扃奉扃謂以兩手當心

徐徐開戶如奉扃然不敢放手

戶開亦開戶闔亦闔

不以

後來

有後入者闔而勿遂

勿遂謂徐徐作闔勢示不拒人也

離坐離立

毋往參焉離立者不出中間

離如字參倉含反也參與之為三也非但兩

往參其坐立亦不行出其中間皆為干人私也

揖人必違其位

禮以變為敬疏曰燕禮君降

階爾卿大夫鄭注云爾近也是君臣皆須然也

執虛如執盈入虛如有人

慎重

儀少

並坐不橫肱

肱古宏辱為害旁人

授立不跪授坐不立

為煩尊者俛仰受之

右雜記

傳孟子既娶將入私室其婦袒而在內孟

子不悅遂去不入婦辭孟母而求去曰妾聞夫婦之

道私室不與焉今者妾竊墮在室而夫子見妾勃然

不悅是客妾也婦人之義蓋不客宿請歸父母孟母
召孟子而謂之曰夫禮將入門問孰存所以致敬也
將上堂聲必揚所以戒人也將入戶視必下恐見人
過也令子不察於禮而責禮於人不亦遠乎孟子謝
遂畱其婦君子謂孟母知禮而明於姑母之道

列女傳

右曲禮凡十一章

傳正考父

疏曰家語云宋濬公熙生弗父何何

生宋父周周生世子勝勝生正考父考父生孔父
嘉其後以孔為氏也孔父生木金父金父生皋夷
父夷父生防叔防叔辟華氏之偏而奔魯
生伯夏伯夏生梁紇梁紇即生孔子也

佐戴武

宣

三人皆宋君

三命茲益共

共音恭卿也言位高益共

三命上

故其鼎

銘云

考父廟之鼎

一命而僂再命而僂三命而俯

僂力主反

於僂

紆甫反僂僂共於僂

俯共

循牆而走

走叶音祖言不敢安行

亦莫余

敢侮

侮亡甫反是人亦不敢侮

其共如

饘於是鬻於是糊余

口

饘之然反鬻之六反

孫炎云淖麋也糊音胡口叶音告於是鼎中為饘鬻糊屬其口言至儉

其共也如是

諸侯從劉康公成肅公會晉侯伐

秦

劉康公王季子

成子受賑于社不敬

賑市軫反社之肉也盛以賑

賑宜

器故曰賑社之名

宜出兵祭盛音成

劉子曰吾聞之民受天地之

中以生所謂命也是以有動作禮義威儀之則以

定命也能者養之以福

養威儀以致福

不能者敗以取禍

是故君子勤禮小人盡力勤禮莫如致敬盡力莫

如敦篤敬在養神篤在守業國之大事在祀與戎

祀有執膳

盡津忍反下同膳音煩

戎有受脰神之節

也

交神之節

今成子情弃其命矣

情則失中和之氣

其不反

乎既行成肅公卒于瑕

柯陵之會

柯陵鄭西地名會在魯成

十七年晉厲公視遠步高

厲公晉成公之孫景公之子州蒲也視遠望視遠步

高舉

單襄公曰

單音善 襄公王卿士單朝之謚也

夫君子目以定

體足以從之

體手足也

是以觀其容而知其心矣

心不固則

容不

目以處義

義宜也

足以步目令晉侯視遠而足

高目不在體

在存也

而足不步目其心必異矣目體

不相從何以能久夫合諸侯民之大事也於是乎

觀存亡故國將無咎其君在會步言視聽必皆無

謫則可以知德矣明年晉弑厲公 晉孫談之子

周適周事單襄公

談晉襄公之孫惠伯談也周者談之子晉悼公之名晉自獻公

用麗姬之讒詛不畜羣公立無跛跛彼義反視

子故孫周適周事單襄公立無跛跛偏任也視

無還

還音旋轉復反為還

聽無聳

不聳耳而聽

言無遠

遠謂非耳目所

及晉國有憂未嘗不戚急其宗也有慶未嘗不怡慶福也怡

也悅襄公有疾召頃公而告之頃公襄公之子曰必善晉周

將得晉國其行也文行去聲能文則得天地天地所

胙小而後國胙才素反福小則得國大則得天下且夫立

無跛正也視無還端也聽無聳成也成定言無遠

慎也為晉休戚不背本也為于偽反背音被文相

德非國何取

相悉亮反
行輔助之

非國何取言必得也

及晉

弑厲公迎而立之是為悼公晉以復霸

復扶又反

衛

侯在楚北宮文子見令尹圍之威儀言於衛侯曰

令尹似君矣將有他志

言語瞻視
行步不常

雖獲其志不能

終也詩云靡不有初鮮克有終

鮮上聲

終之實難令

尹其將不免公曰子何以知之對曰詩云敬慎威

儀惟民之則令尹無威儀民無則焉民所不則以

在民上不可以終公曰善哉何謂威儀對曰有威

而可畏謂之威有儀而可象謂之儀君有君之威

儀其臣畏而愛之則而象之故能有其國家令聞

長世

問音

臣有臣之威儀其下畏而愛之故能守

其官職保族宜家順是以下皆如是是以上下能

相固也衛詩曰威儀棣棣不可選也

棣直計反選息戀反詩

邶風棣棣富而閑習也選數也

言君臣上下父子兄弟内外大小

皆有威儀也周詩曰朋友攸攝攝以威儀

詩大雅攸所也

攝佐也

言朋友之道必相教訓以威儀也故君子在

位可畏施舍可愛進退可度周旋可則容止可觀
作事可法德行可象聲氣可樂動作有文言語有
章以臨其下謂之有威儀也

樂音洛

明年令尹圍弑

楚子而自立是為靈王後十三年楚人弑之于乾
谿子贛由其家來謁於孔子孔子正顏舉杖磬
折而立曰子之大親母乃不寧乎放杖而立曰子
之兄弟亦得無恙乎曳杖倍而行曰妻子家中得
毋病乎故身之倨佻手之高下顏色聲氣各有宜

稱所以明尊卑別疎戚也
折之舌反倨紀具反
公豆反稱去聲別彼列

反

儀禮經傳通解卷十一